

Tatanan no ta suficiente envolvi den educacion di nan yiu



Pagina 2



AZV ta cubri
revalidacion den exterior
pa un tempo corto so

Pagina 4

Editorial
Debate KvK
den otro
situacion
cu 2013
*Corupcion lo ta e
tema grandi?*

Pagina 5

InselAir
Aruba
declara
bancarota

Pagina 3



Awo cu 2 florin mas, bo por gana e **MEGA PLUS**

* Afl.

2.250.000,-

* Afl. 1.525.000,- + Afl. 725.000,-

Obtenibel na cualkier rebendedo di Lotto.

sorteo ta awe diabierna 9 di juni

extra



Tatanan na Aruba no ta suficiente involucra cu educacion di nan yiunan



ORANJESTAD – Ayera tardi, fundacion Telefon Pa Hubentud (TpH) a presenta e resultado parcial di un investigacion cu a muestra cu tanto e tatanan no ta cumpliendo debidamente cu nan rol di mayor; pero tampoco mester negligia e rol di e mama tambe, den un edad critico di nan yiunan cu ta demanda mas atencion y comunicacion cu nan.

E investigacion aki a wordo realiza bou encargo di e psicologo, Roland Rodgers cu a bin cu e estudio of tesis aki a base di e analisis di e yamadanan haci na TpH. Aunke inicialmente e enfoko di e investigacion aki tabata poni riba e participacion di tata den educacion di su yiu, e investigacion no a descarta e link cu ta existi entre ambos mayor su falta di atencion pa e muchanan di un edad entre 10 pa 13 aña cu habitualmente ta tuma contacto cu TpH pa desahoga nan mes.

Un di e dato a base di e investigacion aki riba e categorisacion di e necesidadnan di e mayornan pa atende cu nan yiu ta muestra cu un 54,2% tin mester di material di educacion. Mayoria di nan (36%) ta necesidadnan relaciona directamente cu e mucha; mientras cu un 28%. Mientras cu un 10,7% ta indica cu ta existi un necesidad directo relaciona cu e mama. Tambe ta destaca e rol di e mamanan como principal educadonan di e mucha.

E ta e periodo cu generalmente e mucha ta pasa e brug di scol basico pa scol secundario. Tambe e ta den edad di pubertad, e ta confronta su mes cu situacionnan nobo y

cu amigo nobo y nan tin habitualmente hopi pregunta.



Un preocupacion cu nan ta canalisa ta e mal relacion den cas, falta di comunicacion cu nan mayornan; y con nan por haci pa drecha e situacion aki.

Director di TpH, drs. James Sneek a declara dilanti di minister encarga awor cu Asuntonan Social, Angel Bermudez y demas coleganan cu ta traha riba e veld aki cu e interes di Fundacion aki ta esun di comparti cu otro instancia e tipo di estudio aki pa conhuntamente atende e asunto aki. E mandatario a considera importante cu nan por a colecta data di desaroyo social di comunidad. Awor cu e ta atendiendo cu e cartera aki, e ta mira cierto desaroyo di cual e ta kere cu nan mes-

ter haya mas atencion. “Ora bo kier duna atencion bo

mester identifica nan prome; y pa identifica nan prome bo mester datonan.”

Mientras presidente di e fundacion, Errol Zebeda, a bisa cu e fundacion aki for di 1999, ora cu nan a cuminsa, nan a pone hopi atencion riba e parti di analisa tur informacion cu nan haya durante e yamadanan cu ta drecha, via internet y durante nan tayernan. Un aspecto cu nan ta tene cuenta cu ne ta: Pa kico e hobennan ta tuma contacto cu TpH?

Den e ultimo dos aña, nan ta nota cu un factor esencial pa cual e hobennan ta tuma contacto cu e fundacion tabata situacion na cas. Pero e aspecto aki ta amplio y mester



investiga kico tur situacion na cas ta encera.

Participacion di tata

Nan a dicidi di sigui profundisa riba e tema di participacion di tata den educacion di su yiu door di primeramente e publicacion ‘State of World’s Father’ y e publicacion di Unicef, ‘De situatie van kinderen en jongeren op Aruba’. Sr. Sneek a laga sa cu State of World’s Father ta muestra ariba e importancia di un tata den e desaroyo di un mucha. E estudio di UNICEF ta muestra cu tatanan na Aruba no ta suficiente involucra cu educacion di nan yiunan.



Tata y mama involvi

Un aspecto sigur cu nan mester tene na cuenta ta e involucramento no solo di e tata sino di e mama tambe, si nan ta tene cuenta na momento cu nan ta cuminsa interveni cu e pensamiento di e mama pa cu e participacion di e tata den e relacion aki, pa asina hunto percura pa e bon marcha di e famia.

Esaki ta e motibo cu nan a laga haci e investigacion aki. Awor cu nan tin e resultado nan ta bay reforsa e investigacion riba e tema aki pa sigui cu ne y compila mas data cu ta posibel ainda. Pues

Sr. Sneek a bisa cu unabes cu sr. Rodgers di Hogeschool van Amsterdam a presenta su estudio na Fundacion Telefon pa Hubentud Aruba mediante un intervencion lo por dal e prome stap pa yuda



fortalece y sostiene participacion di tata den educacion di nan yiunan.

TpH ta gusta traha cu cifra y nan a dicidi profundisa riba e asunto aki, despues cu e publicacion di Unicef a muestra cu e participacion di e tata den educacion di nan yiu ta uno debil. Esaki kieren cu nan como organizacion mester zorg pa nan traduci e resultado di e investigacion den loke ta concerni nan intervencion. Pero pa haci esaki nan mester di mas informacion manera ki informacion tin afo; cifranan y datonan cu tin.

siguientemente nan ta bay uza informacion for di e investigacion aki pa asina nan por interveni. Ya caba nan ta trahando pa hunto cu otro organisacionnan pa atende cu e asunto di relacion di e tata cu e yiu, sea cu e tata ta biba cu e mucha of e tata ta biba pafo di cas.

Nan no ta descarta cu na luna di november cu TpH ta saca e proyecto mas grandi cu tin, nan lo por start cu e proyecto (charla, campaña di conscientisacion, programa pa tata y mama, etc.); pero esaki ta depende di otro factornan tambe, entre otro e aspecto financiero.

InselAir Aruba declara bancarota

nia InselAir Aruba bancarota
anto likida e bienenan cu tin.

Ta trata aki di debe cu e com-
pania tin cu tanto creditornan
local como internacional, y
cu ta varia di companianan di
huur auto pa seguro y hopi
mas.

Banda di esaki sr. de Cuba a
remarca cu e compania tin
un claim grandi riba estado
Venezolano. Ta papia aki di
un suma riba \$30 milyon cu
no sa cu si e lo wordo paga
y cual no ta un claim cu a
cuminsa awe, sino mas bien
tin añanan caba caminda cu
gerencia a scoge pa sigui bula
pa Venezuela, consciente cu
tabatin problema pa converti
Bolivar pa Dollar.

Na opinion di sr. de Cuba
e problemanan a bin ta cre-
ciendo di basta tempo caba,
pero na momento cu De-
partamento di Aviacion Civil
na Aruba a ground e flota di
avion, esaki a resulta di ta e
'nekslag' pa e compania.

Bon Dia Aruba a purba tuma
contacto cu Stephan van
Spaandonk di InselAir Aruba
pa un comentario pero no a
logra haya esaki ainda ni for
di empleadonan.

E compania na Aruba tin mas
cu 90 empleado y InselAruba
ainda debe nan placa. Segun
sr. de Cuba lastimamente
mester duna tur retiro, como
cu no tin forma pa cumpli cu
contract di trabou.

InselAir International na
Corsou a informa e siman aki
cu e situacion na Insel Aruba
no tin consecuencia pa nan si
wordo declara bancarota.

InselAir Aruba ta e di dos
compania di avion na Aruba



e aña aki cu a bay bancarota.
Tiaria Air, despues di un lu-
cha mas largo den corte, fi-

nalmente tambe mester a
para su operacion. E situacion
na Venezuela tambe a hinca e

compania aki den problem-
anan financiero.

**ORANJESTAD - Hues a
declara InselAir Aruba
bancarota ayera. Gerencia
di e aerolinea a bin cu un
plan pa salba e compania
pero hues a sigui e reco-
mendacion di e bewind-
voerder.**

E bewindvoerder aki, abo-
gado Jeannot de Cuba ta
confirma na Bon Dia Aruba
cu ayera den un tratamiento
cortico den corte, hues a
acorda su peticion pa con-
verti e 'surseance betaling'
(suspension di pago) den un
'faillissement' (bancarota). E
decision a bin a base cu no
tin un perspectiva cu e reor-
ganisacion di e compania lo ta
exitoso, segun sr. de Cuba ta
bisa nos. P'esey hues a mira
e motibo pa manda e compa-

Otro siman Aruba ta sede di conferencia PAMAC

**ORANJESTAD - Otro si-
man, dia 14 pa 17, Aruba
lo ta sede di e conferencia
PAMAC (Platinum As-
sociate Member Advisory
Council Conference) di
Florida-Caribbean Cruise
Association (F-CCA).**

Aruba Tourism Authority ta
considera esaki como un
oportunidad pa ilustra avan-
cenan na Aruba. ATA hunto
cu socionan local a prepara
un programa pa brinda par-
ticipantenan di e conferencia
e mesun experiencia cu Aru-
ba tin di ofrece na pasahero-
nan crucero.

Mario Arends Cruise Man-
ager di ATA: "Esaki ta un
oportunidad pa showcase
Aruba su progreso como cu

esaki ta e 'decision makers' pa
loke ta e industria di crucero
y nan por tuma e decision di
incluir of no inclui un desti-
no. Nos sa cu tin hopi plan-
nan pendiente pa desaroyo di
puerto na Oranjestad pa loke
ta cruceronan; nos kier must-
ra cu Aruba ta sigui desaroya
y 'step up' y nos ta cla pa ricibi
nan pasahero y naturalmente
e barconan." Esaki, segun sr.
Arends, ta parti di e trabou di
sigui posiciona Aruba como
un destino hopi preferencial
y hopi gusta di parti di tur-
istanan crucero.

Total lo tin 83 miembro, 11
empleado di F-CCA, y 47
invitado na e conferencia. E
participantenan aki lo haya
oportunidad pa conoce nos
isla por medio di tours den

Parke Nacional Arikok, den
centro di ciudad, incluyendo
Caya Betico Croes.

Michelle Paige, president
di F-CCA a papia di interes
cu su miembronan tin den
Aruba: "Den e estudio di
impacto economico cu F-
CCA a haci na 2015, Aruba
consistentemente a alcanza e
top 5 entre e 35 destinacion
den termino di satisfaccion.
Aruba y e industria crucero
tin un sociedad tremendo
dor di tur e cosnan cu Aru-
ba a percura p'e pa segura cu
Aruba ta na cabes di ofrece un
experiencia satisfactorio na e
pasaheronan crucero. E con-
ferencia ta sirbi pa bin traha
hunto y experiencia Aruba
pa nan mes y asina, un biaha
mas, haya e primicia di tur e



cosnan nobo y emocionante
cu Aruba ta haciendo."

PAMAC ta un evento cu
F-CCA ta coordina pa su
miembronan platinum y li-
ñanan crucero keda na 'fore-
front' di informacion riba
tanto e industria y su miem-
bronan, como tambe destina-

cionnan, mientras cu ta haya
maneranan pa maximalisa e
beneficionan pa tur. F-CCA
ta un organisacion comercial
no lucrativo cu ta consisti di
19 miembro di liñanan cru-
cero operando riba mas cu
100 barco den e awanan di
laman di Florida, Caribe y
Latinoamerica.

AZV no ta cubri revalidacion den exterior pa tempo largo



ORANJESTAD - AZV ta subraya cu nan ta cubri gastonan di pashent di accident cu mester bay den exterior, pero no pa un tempo largo.

E ley di AZV ta un seguro medico general cu ta cubri en principio tur momento como asegurado di AZV haya nan mes enfrenta cu un malesa. Segun vocero di AZV Solange Tchong, si bo bay bek na e esencia di e ley bo ta mira cu ta trata di malesanan cu ta bati na nos porta di sorpresa. Na momento cu ta papiando di un accident di auto, por bay wak si kico ta e origen; ken a causa e accident aki y si en berdad AZV ta esun responsabel pa cubri e gastonan aki.

Hopi biaha accident di auto por causa un parti di revali-

dacion. “Despues di un accident hopi biaha bo no ta keda e mesun persona cu bo tabata ta prome cu e accident. Mayoria di biaha bo ta bay rekeri di terapia intensivo y largo. Nos ta papia e ora ey di revalidacion.” Un parti di revalidacion segun sra. Tchong AZV ta cubri. Siguramente e parti di servicio y cuido duna den hospital mes.

AZV ta haci un distincion hopi grandi si ora ta papia di revalidacion largo y intensivo compara cu un periodo mas cortico. Pues loke bo ta haya ta cu e dunadonan di cuido trahando pa AZV ta evalua hopi critico y cauteloso na ki momento berdad nan mester duna revalidacion si of no. Pero tambe con intensivo y largo. “Na momento cu nos ta papia di un revalidacion practicamente unda e per-

sona mester keda un pa dos aña of te hasta añanan largo den exterior prome cu bin bek Aruba, cynan AZV ta bisa no. Loke AZV si por cubri ta un parti di revalidacion pa un tempo corto pero intensivo. E ta depende di e situacion, por ehempel un periodo di tres of seis siman, of maximo tres te cu seis luna,” sra. Tchong ta splica.

No pa eternidad

E ta sigui bisa cu una bes bo ta papia di un revalidacion den exterior cu un periodo hopi mas largo, ya caba tanto AZV como e comision cu ta duna nan conseho pa casonan cu tin cu bay den exterior, lo bay evalua kico ta e miho recomendacion pa cu e pashent/asegurado e ora. Segun sra. Tchong, den mayoria caso nan lo recomenda pa su famia hunto cu e pashent evalua pa emigra den e pais afo. “Pasobra den e ley di AZV mes nunca tabata poni pa nos cubri revalidacion intenso y largo pa eternidad. Pasobra bo tin casonan unda berdad henter bo bida bo tin cu haya ayudo y cuido. Y eynan nos ta papiando di un otro situacion.”

Derecho pa recupera gasto

Si bo wak e ley, en principio pa loke ta trata accident AZV no ta cubri esaki pasobra e ta wordo causa entre partidonan

cu generalmente tambe mester tin un seguro di auto pa cubri gasto di daño material y medico. Den e caso aki ta asina si cu AZV semper te aworaki a cubri accidentnan di auto incluso otro tipo di accident. Vocero Solange: “Pero ta asina si cu den propio ley di AZV tin derecho pa recupera e gastonan aki bek. Nos ta yama esey e verhaalrecht cu AZV tin.” E recuperacion di

haya e placa bek pa loke ta trata e cuido medico. “En principio e ley di AZV tabata t’ey pa ora nos bira malo pero a haya algo inespera. Pero no un malesa causa door di un accident. E no ta kita afo si cu den e practica di tur dia - for di desde AZV a cuminsa na 2001 te cu awe - ainda toch AZV den mayoria caso ta cubri e gastonan aki hasta si ta trata cu pashent lo mester bay



gasto ta wordo haci despues te na final di e trayectoria.

Colaboracion cu polis

AZV ta traha cu Cuerpo Policial Aruba den un tipo di colaboracion unda cu regularmente polis ta manda nan reportenan di accidentnan di auto. Den e reportenan aki nan ta haya informacion unda cu como AZV nan por en todo caso haci intento pa

den exterior.”

Na otro paisnan manera Corsou y Hulanda tin un otro seguro cu ta cubri malesanan cronico, ayudo pa personanan incapacita unda tambe hende cu mester cuido henter nan bida. Na Aruba un seguro asina no ta existi. Asina e pashentnan ta depende di ayudo di fundacionnan of fondonan priva.

25 di augustus ta dicidi riba validez di listanan entrega



ORANJESTAD - Ta falta mas o menos tres luna pa Aruba bay vota pa un parlamento y gobierno nobo. Presidente di Consejo Electoral Hubert Maduro ta bisa nos cu pa 4 di augustus tin

entregamento di lista di partido anto pa dia 25 di augustus Consejo Electoral ta dicidi riba e validez di esakinan. Bo por registra un partido politico henter aña pero manera cu nos a informa caba, te dia

22 di juni venidero por registra un partido politico pa participa den e eleccion september awo. Dia 5 di juli e register ta wordo traha anto pa 4 di augustus ta entregamento di lista cu e

candidatonan di cada partido politico. E aña aki tur cos a hala un siman mas dilanti compara cu ultimo eleccion. Un gran parti di luna di augustus lo bay pa dicidi riba e listanan.

Lista invalido

Tin algun cos cu por causa cu un lista no ta valido. Na prome luga naturalmente check si e nombrenan y adresnan ta corecto. Den e augustus departamento di Censo ta check tur e listan-

an pa wak si a cumpli cu tur requisito. “Tambe bo no por ta riba dos lista. Bo tin cu dicidi cua bo ta bay keda riba dje. Pero esey ta tuma den e tres siman ney. Tin comunicacion tambe si tin problema cu e lista. E persona of partido ta haya oportunidad pa drecha su eror te dia 25 di augustus,” sr. Maduro ta bisa. Varios eror chikito por pasa anto a yega di sosode manera por ehempel entrega un lista blanco sin nada riba dje of a haya envelop robes.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Redactor Ehecutivo

Zulaica Maduro
Nicola Gonzalez

Redaccion

Benjamin Romero
Leo Maduro
Dino Tromp
Efraim Odor
Fabiola Cardenas

Ehecutivo di Benta

Marijke Croes-Luidens
Mark Gomes

Aviso y Arte

Sandra Loefstop
Lando Rafael
Gladis Palomino-Silva

Administracion

Xiomara Arends (Hefe)
Mariette Engelhart
Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Yair Gambin
Francis Dirks

Colaboracion

Sharina Henriquez
Associated Press
Ret Karibense
Upload Media Aruba
Yakari Gabriel

Afiliacion

Sociedad Interamerica
di Prensa (SIP)

DIRECCION

Weststraat #22

Tel: 582-7800 / Fax: 582-7044
email: noticia@bondia.com
aviso@bondia.com
BON DIA ARUBA

Ta un Corant redacta y imprimi na
Aruba y ta obtenibel di Dialuna te
cu Diasabra. Ningun contenido
por wordo reproduci sin permiso
di Editor. www.bondia24.com

Editorial

Debate KvK den otro situacion cu 2013

Corupcion lo ta e tema grandi?

Awe nochi por presencia e prome di e debatenan organisa pa Camara di Comercio, cu bista riba eleccion pa Staten dia 22 di september. Un bon momento pa tira un bista atras riba eleccion y debate di cuatro aña pasa. E tempo ey KvK hunto cu ATIA a uni forsa pa presenta un debate entre e tres partidonan cu tabata representa den parlamento. E biaha aki, bao di un yobida di critica, a amplia e formato pa inclui (casi) tur partido cu a anuncia cu nan ta bay participa den eleccion. Nos ta laga e discusion ey pa enfoca riba e debate mes.

Un comparacion cu e situacion na 2013 ta duna nos por ehemplo cu e tempo ey e situacion financiero di Pais Aruba tabata sumamente serio caba, pero no algo generalmente acepta. E confrontacion cu e realidad financiero e anochi di e debate na 2013 a haci prome ministro bira masha irita, afectando su actuacion cu en general tabata bastante bon. Sin embargo su contrincantenan (MEP, PDR) no por a probecha ni convence mayoria di pueblo den eleccion. Nos por conclui cu un debate no tin tanto influencia riba electorado? En todo caso, e partido den gobierno a continua rumbo pa e victoria mas grandi di un partido politico den historia di Aruba desde 1986.

Aparentemente na e altura ainda un gran mayoria tabata contempla mas e logronan cu gobierno tabata presenta, y no tabata preocupa cu e consecuencias financiero di tur esaki. Ademá Aruba no a realisa ainda cu e gastonan excesivo di gobierno no tabata pa inverti di berdad. Practicamente no tabatin inversion haci den presupuesto, pero scondi den e gastonan extra di e famoso proyectonan 'PPP'.

Un aña despues di e victoria grandi nos a haya nos den e tumulto di juli 2014, cu intervencion di Hulanda den e situacion financiero pa pone orden den os cas. Di 2015 te awe nos ta bao supervision financiero, cu un monitoreo estricto di nos presupuesto. Esey no ta bay disparce tampoco den e periodo di gobernacion nobo, y ta algo cu mester haya atencion durante e debate. Especialmente e contradiccion entre plan y promesa bunita/necesario, y e realidad di un maneho financiero estricto, cu otro aña mester desemboca den un prome surplus riba presupuesto. Esun cu mester bay goberna por haci su mes e gran favor di no emplea 300, 400 o mas hende den nan despacho, manera a sucede den e gobernacion actual, y cu a percura pa e scandal di

patronahe politico mas grandi di nos historia. Un chasco cu ainda ta costa nos mas di 30 miyon florin pa aña... Bo ta lesa bon: e circo rond di e ministronan a costa nos den ocho aña sigur 250 miyon florin. Suficiente pa paga e renobacion di hospital, sin fia placa! Interesante pa sa di tur partido kico nan tin pensa di haci al respecto.

E tarea pa e lider di e partido den gobierno lo ta pa expone e logronan cu tabatin den su bista den e dos periodonan di gobernacion. Kico asina e por trece dilanti? Sigur e manera cu a regla e problemanan grandi cu tabata existi cu e fondo di AOV y AZV, cu a resulta den un situacion financiero mas favorabel pa e fondo di pension, aunke cu a haci esey a traves di aumenta edad di pension gradualmente te 65 aña. Mester bisa si cu e cambio aki no a lanta tanto controversia den pueblo. Hopi hende tabata mira e urgencia. Si di parti di oposicion kier desafia esaki, primintiendo reduccion di edad, ta indispensable pa nan bisa ta con ta paga esaki; no tin espacio pa haci promesa bashi.

E refinaria no lo ta un parti interesante di e debate. Pa cuminsa henter parlamento menos Marisol Tromp ta kere ainda den e proyecto aki, mientras cu e noticianan di pafo di Aruba ta muestra riba un trancamento den e avancen. Hasta gobierno ta parce di ta tene cuenta cu esey y a opta pa atrobe bay den direccion di e famoso 1000 camber di hotel na Seroe Colorado. Un gran parti di Aruba no ta kere mas den trece mas hotel, pero e gobernantenan no ta tende. Di tur manera, cualkier gobierno cu sinta despues di september, probablemente por bay kibra cabes con ta tapa e buraco cu e refinaria ta laga den e proyeccion di crecimiento economico, y por lo tanto den entrada pa gobierno.

Finalmente, e tema di corupcion na nivel halto por bira e tema mas resaltante, y cu su rason. Nos por papia di tur bon intencion cu tin pa drecha situacion den tur sector, pero prome cu tur cos e pueblo votado mester por confia cu ministronan no ta sinta pa enriquece nan mes. Te awor prome ministro no a pronuncia su mes riba e tema aki, pero ta bira urgente pa e facie. Pa oposicion ta importante pa nan señala kico nan ta bay haci al respecto. Un simpel 'nos si no ta corrupto' no ta suficiente. E debate ta e prome ocasion pa oposicion muestra cu nan por trece un alternativa viabel pa e actual gobierno. E debate no ta decisivo, pero si un ocasion cu no por perde.

Bringamento entre magistrado a subi tension na huicio cu por laga Temer pafo di poder

BRASIL (InfoBae).- Presidente di tribunal superior electoral di Brasil, Gilmar Mendes a yama e relator di caso contra Temer, Herman Benjamin, un persona "falaz", pasobra e kier inclui den e causa contra Temer, algun testimonio cu a sali despues di e periodo di instruccion.



Tribunal Superior Electoral (TSE) a cuminsa di nobo di aranson cu e huicio cu por laga Brasil sin presidente pa di dos biaha den un aña, cu un polemica entre magistradonan pa motibo di prueba cu ta admisibel den e huicio of no.

Benjamin mester duna di conoce durante e sesion su voto, caminda hopi hende ta anticipando cu voto di Benjamin lo ta pa kita validez di e proceso di eleccion di 2014. Den e proceso ey e formula di Dilma Rousseff (PT)-Michel Temer (PMDB) a sali ganado.

TSE ta husga si den e campaña politico a haci abuso di poder politico y economico y a haya beneficio di un financiamiento ilegal, cu a bin di un fraude hopi grandi na Petrobras.

Despues di Benjamin, e resto di magistrado di e tribunal mester vota. Tin otro dos sesion planifica pa awe tambe, aunke e proceso por keda interumpi si algun di e grupo di hues ta pidi un "vista" pa asina por analisa e expediente miho.

Temer ta sinta den posicion di presidente desde aña pasa, despues cu congreso a destitui Rousseff. Ayera Temer tabata positivo encunto e lansamento di un plan nobo cu por duna

apoyo na agricultura na Brasil.

"Presidente ta trankil, wardando riba e decision di tribunal," Gustavo Guedes, abogado di Temer a bisa.

E huicio ta relaciona cu denuncia cu a tuma lugar na aña 2014 y cuminsamento di 2015. E huicio ta desaroya den un ambiente di presion politico, desde cu a sali 3 siman pasa na luz publico, un grabacion cu supuestamente un di doño di empresa JBS a haci, caminda tur hende por tende ora Temer ta duna su aprobacion pa e pago di un soborno na un ex-diputado, cu ta deteni pa e scandal relaciona cu Petrobras. Corte supremo a habri desde e momento ey un investigacion contra Temer, pa sospecha di corrupcion, obstruccion di husticia y organisacion criminal.

Temer tin te mañan diabierna pa responde na un interrogatorio cu 82 pregunta tocante e grabacion ey.

Tension entre huesnan

E orden di dia di tribunal superior electoral di Brasil tabatin planifica trata varios solicitud di parti di defensa, pa exclui testimonio di ex-ehecutivonan di Odebrecht, cu ta contene e acusacionnan mas grave contra e duo presidencial y cu ta sospechoso di haya miyones di e firma constructor durante campaña electoral.

Pero Benjamin a rechasa e solicitud ey, bisando cu no por separa un topico di otro. Presidente di tribunal a acepta cu relator lo comunica su voto prome, y cu despues por cuminsa cu proceso di "obheccion" (rechaso) di acusacion di banda di defensa.

Mendes a rechasa solicitud di hues di instruccion, pa asina por



inclui den e proceso algun prueba cu a sali despues di e momento cu a presenta e denuncia. E situacion aki lo por a habri porta pa inclui otro denuncia di grupo JBS y ta e denuncia di Antonio Palocci, poderoso ex-ministro di Lula da Silva y Rousseff.

Rousseff ta purba di negocia un proceso di "delacion premia", loke ta un areglo pa premia testimonio di un persona envolvi den acto ilicito y cu ta duna informacion al caso, cu a cambio ta haya haya reduccion di nan castigo.

"Mi lo tabata un persona falaz, si mi no a atene mi na e parametro ey," Benjamin a bisa, ora cu e ta splica cu prome denuncianan di soborno, cu a ser paga na politiconan pa e empresa grandi di construccion, cu obhetivo di haya contrato cu Petrobras, a sali den cuminsamento di e investigacion Lava Jato na luna di maart 2014.

Hopi minister di Temer ta envolvi den e operacion anticorupcion Lava Jato, cu a hiba prizon of a pone den stoel di acusado mas di un dozijn di empresario y politico di casi tur partido, un situacion cu a origina malestar den poblacion di Brasil.

Prome biaha na e isla: 600 cas tin internet na La Habana

CUBA (ElClarín) - Mas di 600 cas na La Habana tin internet, cu un conexion cu ta ofrece diferente velocidad, algun hopi slow pero di costo abao y otro hopi costoso pero masha rapido, segun opinion di clientenan.

"E prome oferta ta di 15 CUC (balor similar na dolar Mericano), cu ta hopi slow y esun di 50 CUC cu

ta demasiado costoso," Caridad Graña, habitante di un bario na centro di ciudad a splica. Graña a ser inclui den un programa cu un 'prueba piloto' gratis, cu a duna na 858 cas e servicio di internet desde 19 december te 28 di februari 2017. E prueba piloto a tuma lugar pa prome biaha na Cuba.

Despues di e prueba aki, empresa ETECSA, empresa estatal cu ta administra e sector di comunicacion na Cuba, a

habri un contratacion liber di e servicio aki pa poblacion. E conexion mas slow, cu tin un velocidad di 256 kbps, esun intermedio cu 1024 kbps cu un balor di 50 dolar y un mas rapido di 2048 kbps na un costo di 70 dolar pa luna. E modo di conexion "casero" tin un costo inicial di instalacion pa e publico di 29 dolar, unda \$19 ta pa un modem ADSL y otro 10 dolar ta destina pa activa e acceso. E modalidad casero tabata solamente pa profesional di algun sector nacional y stranhero den epoca pasado.

E empresa a bisa cu lo baha e prijs via un plan pa luna, despues cu nan por haya bek tur placa cu nan a hinca den proyecto aki. Cubanonan tin un salario promedio di 25 dolar pa luna, sin embargo dia pa dia na henter Cuba e cantidad di lugar di recreacion ta aumenta cu tin area WI-FI.



Chile ta decreta alerta ambiental na Santiago

CHILE (Teletrece).- Intendencia di region metropolitana di Santiago a decreta alerta ambiental ayera diaranson na Gran Santiago. Esaki como medida pa combati e situacion ambiental den e capital, cu a surpasa e limite permisible di contaminacion di aire. Esaki pa di dos biaha e aña aki.

Pa tal motibo Santiago de Chile tabatin un restriccion permanente pa auto cu no tabatin un sticker berde, y e autonan cu tabatin number cu ta finalisa cu 3, 4, 5 y 6. E medida lo cuminsa desde 7or di mainta te 21 or.

Alerta ambiental ta prohibi kimamento den actividad agricola, programa y uso di calefaccion cu palo of algun material cu ta sali for di palo.

E condicion aki a ser ehecuta pa intendencia metropolitana, cu ta inclui e ciudad di Santiago y comunidad di Puente Alto y San Bernardo.

Oposicion ta marcha contra constituyente y chavismo ta reuni firma pa nan candidato

VENEZUELA (LaPrensaDeHonduras).- Oposicion Venezolano a mobilisa na Caracas di nobo y na varios ciudad di pais pa purba yega te sede di Consejo nacional electoral (CNE), pa asina protesta contra e yamado di eleccion pa un asamblea constituyente, pa redacta un constitucion nobo.



Mientras cu chavismo a cuminsa cu colecta di firma y otro rekisito importante pa nan candidatura den eleccion di 545 constituyente, cu lo elabora un constitucion nobo.

Hende cu ta apoya gobierno mester colecta entre mil y 500 firma, pa asina apoya candidatura sectorial. Nan mester colecta tambe como 3% di e cantidad di Venezolano inscribi den registro electoral di cada municipio, pa cada candidato teritorial.

Opositornan a nenga di participa den e proceso aki, cu nan ta considera un proceso cu ta contra democracia di Venezuela. Ayera oposicion a purba marcha te centro di Caracas contra decision di CNE di cuminsa cu proceso pa yama tur Venezolano den eleccion di e constituyentenan.

Awe ta haci 69 dia di protesta riba caya contra gobierno di Nicolas Maduro, contra e

decision di tribunal supremo di husticia cu a purba di tuma funcion di parlamento pa su mes, y contra convocatoria pa un asamblea constituyente.

Ayera mayoria di marcha di oposicion te parti oeste di capital Venezolano a keda blokea pa cuerpo di seguridad cu bala di rubber, bom lacrimogeno y ekipo anti-disturbio.

Dirigente di e aliansa Mesa di Unidad Democratico a bisa cu no lo duna mas detaye di e mobilisacion, pa asina evita cu cuerponan di seguridad por detene e actividad.

13 stacion di servicio di transporte sub-teraneo a ser cera ayera durante marcha na Caracas, como medida di proteccion di e sistema, metro di Caracas a informa.

Manifestacion na favor y contra gobierno a percur pa hopi suceso violento, cu 65 morto y mas di mil hende cu a keda herida.

Algun ta bisa cu e causa tabata un mortero



Otro manifestante asesina cu bom lacrimogeno



VENEZUELA (El Nacional).- Un hoben di 17 aña a muri despues cu el a haya un tiro di bom lacrimogeno cu a ser dispara di hopi cerca, practicamente “a quemarropa” na avenida Francisco Miranda. Na e lugar efectivonan di polis nacional bolivariano a reprimi brutalmente e manifestacion na altura di Chacao, Chacaito, y El Rosal.

despues el a ser hiba pa hospital El Avila, y ey el a yega sin signo di bida.

E hoben a ser identifica como Neomar Lander y tabatin 17 aña, Carlos Paparoni, diputado di Asamblea Nacional di Venezuela a bisa.

E asesinato a tuma lugar na autopista Francisco Fajardo, cerca di stacion di metro di Chacao.

“Con nan por drumi si tur dia e hendenan aki ta asesina hobennan? Ta horibel ora bo ta mira algun hende muri, cu Cruz Berde tabata purba di mantene na bida pero nada por a haci pa motibo di su estado di gravedad,” Miguel Pizarro a bisa.

Mientras ministro di defensa di Venezuela, Vladimir Padrino Lopez a haci un yamado na funcionarionan di Guardia nacional bolivariana pa respeta derecho humano di tur manifestante, su subalterno a ataca manifestacion di nobo. Segun informacion un guardia nacional a lastra otro manifestante cu su motorcycle.

Despues di e tiro, e hoben tabatin su ribchinan visibel. Integrante di Cruz Berde a duna atencion inmediato na e hoben, pa motibo di e gravedad di su heridanan. Nan a purba di mantene na bida y a duna prome auxilio,

Miembro di FARC a purba viola dos mucha na zona veredal di Colombia

COLOMBIA (Semana).- E ‘cese al fuego’ di banda di guerriya y di gobierno ta ser examina bao di un mecanismo di monitoreo y verificacion. Diamars e mision cu ta dirigi pa Organizacion di Nacion Uni a raporta dies suceso, cu a tuma lugar na e zonanan veredal: 4 falta den e acuerdo di FARC cu gobierno,



E suceso cu mas a alerta henter poblacion ta un intento di violacion di dos mucha na un zona veredal. E victima tabata mucha menor di edad, di tres y nueve aña, na e punto di concentracion di Vidri, na municipio Vigia del Fuerte, na Antioquia.

E otro dos violacionnan grave ta di banda di gobierno. Un di nan ta relaciona cu un suceso cu a tuma lugar siman cu a pasa, caminda a keda herida un capitan cu tabata cana cerca di un zona veredal na Guaviare, sin ningun autorisacion.

E suceso cu mas a alerta henter poblacion ta un intento di violacion di dos mucha na un zona veredal. E victima tabata mucha menor di edad, di tres y nueve aña, na e punto di concentracion di Vidri, na municipio Vigia del Fuerte, na Antioquia.

E otro dos violacionnan grave ta di banda di gobierno. Un di nan ta relaciona cu un suceso cu a tuma lugar siman cu a pasa, caminda a keda herida un capitan cu tabata cana cerca di un zona veredal na Guaviare, sin ningun autorisacion.

Auto a dal fiscal cu ta investiga caso Odebrecht na Argentina



ARGENTINA (BioBio).- E fiscal cu ta dirigi investigacion di e caso Odebrecht na Argentina, Federico Delgado, a sufrí un accidente, ora cu un auto a dal’e na momento cu e tabata core riba su bicicleta, cerca di sede di tribunal na Buenos Aires.

Delgado a ser golpea pa un auto marca Hyundai, cu no a respetar luz cora di trafico y a dal contra e fiscal, cu a keda cu un corta na su cara, cu a provoca hopi sanger, pero e no a perde consciencia.

Segun medio di comunicacion “Todo Noticias” e suceso cu a tuma lugar ta un accidente, pasobra despues di e impacto, e chauffeur a sali di su auto pa asina haya sa estado di salud di e fiscal.

E abogado a ser hiba hospital pa asina haci algun test y pa haya evalua gravedad di su herida.

Punta mas halto den construcccion di terminal nobo na Aeropuerto

WILLEMSTAD - Curaçao Airport Holding (CAH) y Curaçao Airport Partner (CAP) a celebra realisacion di e punta mas halto den construcccion di expansion di e terminal nobo. Despues di un año y mei di construcccion, CAP y CAH, a trece Curaçao International Airport un paso mas cerca di realisacion di e proyecto di expansion di aeropuerto.

Mas cerca di expansion di aeropuerto

Durante e ultimo año tabatin hopi desaroyo na aeropuerto. Esun ultimo ta e Proyecto di Expansion, cu tin como meta mehora e experiencia den su totalidad di e pasahero. Prome minister E. Rhuggenaath a enfatisa, cu pa celebra un logro importante manera esaki ta encera feedback con-

structivo y e habilidad pa move di concepto pa realidad. El a señala cu e colaboracion aki tabata crucial den realisacion di e paso importante aki: "Pa por ta constructivo y pa construi y celebra un logro importante manera esaki,... traha hunto ta necesario", segun prome minister Rhuggenaath.

CAH a remarca cu e tabata orguyoso di a colabora cu CAP den e expansion aki. Den su speech, drs. F. Semper, Presidente di Curaçao Airport Holding a trece dilanti cu: "E logro importante aki a trece nos ainda mas cerca di e realisacion di e maneho excelente cu nos aeropuerto ta desea di alcanza. Un biaha mas demostrando cu mehoracion continuo y trahando hunto nos aeropuerto ta hopi bon riba caminda pa bira un di esun-



nan mas miho den Caribe". Drs. Semper a enfatisa riba e importancia di colaboracion continuo entre CAH, CAP y otro partnernan pa garantiza mehoracion en general di e experiencia cu e pasahero tin di nos aeropuerto. Curaçao Airport Holding a bin ta traha intensivo cu CAP pa perfecciona aeropuerto y ta remarca cu esaki ta djs un di e hopi

celebracionnan planea entre CAP y CAH.

Na final, drs. Semper a garantiza cu lo sigui traha hunto pa ofrece un servicio di 'Nivel A' na pasaheronan, cu lo duna Corsou un bentaha riba otro aeropuerto den region.

Curaçao Airport Proyecto di Expansion

E expansion di e terminal

nobo ta haci posibel cu por acomoda e crecimiento cu ta anticipa den transportacion aereo. Ta spera na 2018 cu ya un cantidad di +/- 2.5 milyon pasahero lo por crusa e aeropuerto.

Cu e expansion aki, Corsou ta anticipa di por ricibi avionnan comercial grandi manera Airbus klase A380 y ofrece facilidadnan amplio na clientenan, comercio por menor y opcion den horeca. E terminal nobo lo mehora e fluho di pasahero y reduci e tempo di espera di avion pa mehora conexion aereo.

E desaroyonan aki no solamente ta beneficia nos pasaheronan pero tambe ta ofrece empresanan local oportunidad pa demonstra nos pasaheronan kico nos mercado local tin di ofrece.

Hoben academico di Corsou na cabes di conferencia internacional na Bahamas

WILLEMSTAD -- No ta desconoci cu talentonan hoben di Corsou ta destaca den tur ramo. Deporte, arte, cultura etc. ta ramonan cu mesora ta bin na mente.

Awe ta toca e ramo academico den cual Guido Rojer, Jr. (1987) docente y cientifico na Universidad di Corsou (facultad di licencianan social y economia), ta saca cara. E hoben academico aki a haya e encargo pa presidi e di 42

conferencia anual di Asociacion di Estudio Caribense (Caribbean Studies Association) cu e siman aki ta tuma luga na Nassau, Bahamas.

Asociacion di Estudio Caribense ta un organizacion independiente cu ta promove estudio di Caribe for di un punto di bista multidisciplinario, multicultural y multilingual. E organizacion ta e asociacion principal di academico y profesional di Caribe y costanan Caribense di

Nort, Centro y Sur Amerika. Un grupo di 300 profesional a funda CSA na 1974. Awe e organizacion ta conta cu mas di 1100 miembro biga rond mundo cu ta comunica den 6 idioma oficial di cua Papiamentu y Hulandes tambe ta forma parti. Tur año di nobo e asociacion ta organisa su conferencia anual y e di 42 edicion aki su tema ta "Economia di Creatividad y Conocemento: futuro di desaroyo di Caribe?"

Guido ta e unico director di conferencia te cu dia di awe cu ta domina tur 6 idioma y tambe e mas hoben cu a sirbi den e funcion aki.

Bou di su supervision por lo menos 350 participante lo expone nan puntonan di bista i nan investigacionnan durante e siman aki na Meliá Cable Beach na Nassau, Bahamas. Asina aki nos por mira con nos hobennan profesional ta sigui saca cara di Corsou den exterior.



Sunrise Airways ta ofrece alternativa pa mayoristanan for di Haiti y Cuba pa Zona Liber Corsou

WILLEMSTAD - Recientemente Curinde a facilita presentacion di Sunrise Airways na comerciantenan den zona economico di tanto Koningsplein como Hato.

E presentacion aki a tuma luga den cuadro di Curinde su esfuerso continuo pa crea mas cupo pa pasahero y carga for y pa region en general, pero particularmente di Haiti y Cuba. Sunrise Airways a presenta un alternativa real pa cumpradonan mayorista por bini Corsou y cumpra den nos zonanan economico.

Esaki ta parti di Curinde su esfuerso continuo pa no unicamente crea un miho in-

fraestructura pa haci negoshi den nos zona economico, pero tambe pa promove nos zonanan y facilita mas actividad economico den nos señanan. Sergio Valkenburg, den representacion di Sunrise Airways, a tene e presentacion.

Combinando e servicio cu Sunrise Airways ta ofrece y mediacion di Curinde lo facilita cumpradonan for di primordialmente Cuba y Haiti di e forma aki pa bin haci compra den nos zonanan economico.

Sunrise Airways ta un compania aereo cu a keda lanta na 2010 y ta percura pa servicio di charter.

E compania a mostra dis-

ponibilidad pa desaroya charternan for di Cuba y Haiti pa Corsou, den un pakete total. Principalmente Cuba ta un mercado interesante pa Corsou desaroya como mercado nobo, mientras cu Haiti ta un mercado tradicional pa nos zonanan. Curinde, den cuadro di su esfuersonan pa desaroya mercado pa nos zonanan economico, lo complementa e esfuersonan al fin cu nos por desaroya mas demanda y comprado for di Haiti y habri e mercado di Cuba.

E entusiasmo cu e esfuerso aki a keda ricibi ta base pa sigui desaroy'e, al fin cu nos zona economico por conoce mas actividad y compra for di tanto Haiti como Cuba.



Hues a baha pisa riba acusadonan cu a mata polis na Boneiro

WILLEMSTAD – Hues a baha pisa riba e 7 acusadonan den e caso Drum, e caso den cua a mata e polis Hulandes Ferdi Bakx na Boneiro aña pasa. E acusadonan a haya castigonan cu ta varia entre 12 y 20 aña. E acusado Boneriano cu a planea e atraco, a haya un castigo mas halto cu esun cu a tira.

Hues a bisa den e sesion di ayera, cu tur e acusadonan contra e 7 acusadonan, 6 Venezolano y un Boneriano, ta convencientemente proba. A condena tres di e acusadonan conforme e demanda di Ministerio Publico, mientras cu cuater acusado a haya castigonan cu tabata menos cu OM a existi.

Den e investigacion Drum e asesinato di e polis ta central, despues cu a atraca un cas. Corte a bisa cu e sospechoso Boneriano ta esun cu a organisa e atraco. El a regla cu e 6 otro acusadonan a bin for di Venezuela cu e meta pa tene atraconan riba e isla. Su declaracion den corte den sentido cu el a haci esey pa haya droga no ta convenciente considerando e pruebanan riba mesa, asina hues a bisa. Segun corte, e caso di tiramento fatal riba e polis ta relaciona cu e momento cu e atracadonan a huy for di e sitio.

E acusado cu a tira a declara cu el a tira, como cu el a kere cu Bakx lo a tira riba su primo, pero el a duna un di dos motibo. E mester a pasa Bakx den e core core cu tabatin y e tabatin miedo pa tira e polis den su lomba.

Hues a bisa, cu uzo di vio-

lencia den e caso no tabata parti di e plan criminal di e atracadonan, pero na opinion di hues, e chens cu tabatin violencia tabata grandi y cu e acusadonan a acepta cu e chens tabata t'ey. Cu otro palabra, e tiramento tabata e riesgo cu un plan asina tabata core. P'esey hues ta bisa, cu e tiramento tabata un acto cu a tuma luga conscientemente y den bon cooperacion entre e grupo.

Loke a resulta, cu ta cu e dia prome, na momento cu e Venezolanonan a yega Boneiro, a muestra nan, un otro cas pa atraca. Na momento cu a studia e caso a resulta cu un atraco riba e caso aki ta mas dificil cu a pensa. E acusado Boneriano a dicidi pa pospone e atraco pa asina prepara mas miho.

Den e cuadro aki hues a bisa, cu e caso ta demostra cu ta algo hopi serio a tuma luga y cu ta existi castigonan halto. Hues sinembargo no a bay di acuerdo cu e demanda di fiscal pa un castigo di 25 aña di prizon pa e Venezolano cu a tira.

Sigur no por a haci un comparacion cu e caso di atraco den Front Street na Sint Maarten caminda a tira un polis mata. E persona cu a tira na Sint Maarten no a duna claridad, su remordimento no tabata sincero y tabatin un chens grandi pa repeticion. Den e caso na Boneiro, e tirado tin apenas 21 aña di edad y a laga un otro impresion. Asina por ehempel el a laga sa, cu e ta sinti morto paden y cu e respet cu e ta haya den prizon, pasobra el a mata un hende cu e no ta desea esey. Ademá e no tabata anteriormente den contacto cu husticia y e rapport psicologico



a determina cu no tin chens pa un repeticion. P'esey hues a yega na un castigo di 19 aña. Den bista di hues, e castigo mas halto mester bay pa e organizado di e atracconan cu ta e Boneriano. El a haci mal uzo di e situacion cu Venezolanonan cu ta den condicion pesimo den nan pais pa nan bin Boneiro a haci algo pa nan haya placa. El a laga nan haci e trabou sushi y e mes a keda for di bista. El a move den tur skina pa sconde su rol den e caso aki. El a kere

cu di e forma aki e por a scapa di un castigo di prizon. Hues a conden'e conforme e demanda di fiscal na un castigo di prizon di 20 aña. Hues a bay di acuerdo tambe cu e castigo cu fiscal a pidi pa e acusado Venezolano cu kende e Boneriano a regla tur cos. Ta resulta, cu e tabata cla mesora pa haci e trabou sushi aki. El a haya 18 aña di prizon. E sospechoso cu durante di e atraco a dirigi un arma di candela riba un e habitantenan di e cas den presencia

di un mucha a haya 16 aña di prizon.

E tres otro Venezolanonan a haya castigonan di prizon di 12, 13 y 14 aña. E Venezolano cu a haya e castigo mas abou a scapa pa motibo cu e habitantenan a bisa cu e tabata "cariñoso" y a trata di calma e mucha.

Banda di e condena e acusadonan mester paga un daño y perhuicio. E suma total cu nan tin cu paga ta 15 mil dolar. E acusadonan por apela e verediconan di ayera.

FOR ALL YOUR FLYER DISTRIBUTIONS



Call: 582-7800
email: accounting@cspnv.com

Happy
FATHER S
DAY

On all our Air Conditioning Units

Up to 15% off

Valid from 29-05-2017 to 19-06-2017
Call us for more information:
Tel: 5882860 Email: fertecnv_mfer@outlook.com

FERTEC N.V.
AIRCONDITIONING - REFRIGERATION - PARTS

Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22**

TA BENDE Piano Classico Chandeliers nobo, maleta, casita pa transporta cacho, surfboard, lessenaar pa mucha 2 pida glass, 2 meter pa 1 meter 25 Tel: 561 0956	TA HUUR Cas na Palm Beach 3 camber 2 baño Afls.2.150 Tel. 733 1201	SERVICIO PUBLICO Auto + Hero Bieu ta cobra Fl.35 pa tira auto biew afo y Fl10 pa frigidaire, stoof, wasmashin etc Tel. 561 4297 / 561 5179	TA HUUR 1 Studio apartment semi muebla, baño separa, excl: utilidades, area trunkilo Simeon Antonio Cel. 594 5576	TA HUUR Studio apartament semi-muebla situa na Noord Tel.561 0956
SERVICIO PUBLICO Se realiza trabajo de pintura y mantenimiento de casas. Gente seria y responsable. Buen precio Tel. 565 8198	SERVICIO PUBLICO Se ofrece servicio de reparacion e instalacion de aires acondicio- nados Split e industrial tambien reparamos frigidaire, cuartos frios y fabricantes de hielo Tel. 600 0750	SERVICIO PUBLICO Barata Barata Nos ta chapi, lanta sushi, spuit veneno, corta mata, na bon prijs Arubiano balente Call 592 5766	SERVICIO PUBLICO Ta traha cas, edificio y apartment, ta haci tur tipo di trabou di renovacion profesional y na un bon prijs Tel. 566 1530	SERVICIO PUBLICO Nos ta hasi tur trabou di electri- cidad, reparacion di cortocircuito tuberia/ cableado en general. Por yama na Tel. 566 5026
TA BENDE pa motibo di viahe, ta bendé un auto Chevrolet Aveo año 2005 motor 1.2 Prijs Fls.4.300 negociable Tel: 563 7626	FOR RENTE Office space for rent Zuidstraat # 1A Oranjestad 95 m2 4 rooms, 2 baths Avg.3.500 Call Muna 593 4647 www.mpgaruba.com	SERVICIO PUBLICO Gratis Gratis Nos ta piki auto biew, airco, bateria, stove, wasmachine, frigidaire Tel. 561 4297 / 600 6883	TA HUUR Area di Bushiri, un cas di 3 camber / 3 baño cu pool y full muebla. Prijs Awg3.300 pa luna y 1 luna di borg Exclui tur cos Tel. 593 7366	SERVICIO PUBLICO construction ta pega blokke, pleister, pla- fond, mosaico, azulejo, vloer dak, cura, plafond bow dak, cas completo, nos ta arubiano y cu bon prijs. Tel. 661 2081
TA HUUR Edificio di 110 m2 cu airco. Comparti den 1 receptie, 2 sala pa oficina, 1 sala pa reunion, 2 baño y cushina, un espacio pa deposito y lugar di parkeer. Tel: 582 3773	SERVICIO PUBLICO Paraiso de Rosa Ta ofrece su servicio pa cuida hende grandi. Nos ta hende spe- cialisa cu pasenshi y servicial Tel. 566 2687 / 732 2590	TA BENDE 4x off tires pa Toyota Prado 1 luna so uza P265/65R17- Kr281125 Kenda KR 281125 Avg.230,= P/stuk Tel. 592 6635	SERVICIO PUBLICO Se hace blower y planchado de cabello y también keratina Tel. 564 4456	TA HUUR un Studio Apartment full muebla den area Catashi/ St. Cruz. Prijs pa 1 persona Awg.850 2 persona Awg.1.000 Tur cos inclui Tel. 593 7366
TA HUUR 1 apartment di 1 camber, pa 1 of 2 persona, inclui: awa, cable, gas, exclui coriente Afl. 1.200 pa luna. Wayaca residence Tel. 592 9966	SERVICIO PUBLICO Master Nails Pa e miho servicio y experiencia den mantencion y atencion pa bo huñanan. Yama pa un cita Tel. 744 9214	TA OFRECE Dr. Enrique Machin Cirugia de Catarata, Glaucoma, Retina, Retinopatia diabetica Laser Argon, Yag Laser Clinica de Ojos, Maracaibo Tel.+58426 2673588	TA BENDE Gordura Ora bo cumpra 20 saco di Fls.5 bo ta haña 5 gratis. Bo mes mester buske Tel. 564 4456 / 585 1587	TA BENDE Associated Realtors for sale house at Ruby / Westpunt with two bedrooms and two bathrooms on 620 m2 of land with foundation for two one bedroom apartments and for \$184,000 Tel. 593 6318
			TA BENDE Ford Edge 2007 color preto, leather interior. service up to date na agencia Tel. 597 7814	SERVICIO PUBLICO Pa tur tipo di trabou • Rosa tereno y lanta sushi • Excavacion (tambe den klip), pos, fundeshi, pool • Demolition • Granito Tel. 593 2191 / 561 7244 594 0244
			UITVERKOOP VAN BARATILLO/ SALE OF orchideeen op stronken / orkideanan riba tronco/ orchids on trunks Bij elke aankoop een orchi- dee cadeau/ na tur compra un orkidea como regalo cell: 562 6581	TA BENDE Cas na Rooi Koochi 3 camber 2 baño + apartamento Construi 469m2. Terreno propio 1484m2 \$399.000- Prijs reduci Tel. 733 1201
			TA HUUR un tereno 435 m2, eigendom inclui un trailer pa oficina Afl.1.500,= pa luna. Tereno ta situa patras di Smith and Dorlas, na Dominicanesstraat. Pa mas info yama na Tel. 592 9966	TA HUUR Una habitacion con todo incluido en Oranjestad Tel. 564 1979
			TA BENDE cas situa na Socotorolaan 25 3 camber cu closet, 2 baño, sala comedor, cushina, porch, cura. Central pa tur caminda. Prijs taxatie rapport Aw.278.000 Prijs pidi den man Awg. 225.000 Tel. 593 0909	TA BENDE un Cushina completo di Aruwood color shinishi Tel. 568 1465
				TA HUUR 2 bedrooms, kitchen, din- ningroom & living room, 1 bathroom, airco's prepaid electricity, utilities excl. quiet area Simon Antonio Tel. 594 5576

ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna


☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia24.com**

Skirbi pa Armand Hessels:

Engaño?



ORANJESTAD - Durante decada, partido politico cu alternativa-mente (t)a forma gobierno, a purba di empaketa e resultadonan di nan maneho lo mas atractivo posibel. Votado realmente mester a haya e impresion cu nan escogencia pa e partido (den gobierno) tawata esun miho. P'esey tambe a muestra cu orguyo, hasta durante e tantisimo momentonan cu gobierno tawata casi hoga financieramente, riba e hallazgonan di e rapportnan di Fondo Monetario Internacional (FMI). Regularmente esakinan tawata muestra riba e bon prestacionnan di economia di Aruba. Pero na mesun momento a laga di menciona e advertencianan serio pa cu e situacion financiero y e causanan for di e mesun rapportnan. Esakinan lo tin consecuencia electoral negativo pa e partidonan envolvi. P'esey a negligia nan.

E mesun tactica aki ta uza tambe den e campaña actual. Gobierno, hunto cu parlamentario fiel, ta bati su mes continuamente riba su pecho cu el a realiza un milager economico cu a salba Aruba for di un situacion di crisis. Pa demostra e 'milager' ey, e ta haci uzo di un grafiek cu mester demostra e resureccion di Aruba como resultado di e maneho di gobierno di e ultimo 7 añanan.

Den esey e ta 'lubida' (conscientemente?) cu e 'milager' ey ta limita severamente e posibilidadnan financiero di cada siguiente gobierno durante e decadanan venidero mescos cu e perspectivanan economico di Aruba pa motibo di e aumento serio di e obligacionnan di pago di debe y interes. Ta asina cu e cantidad enorme di placa cu gabinete Mike Eman-1 a gasta den apenas 3,5 aña a redobla e debe di (2) biyones cu a acumula durante e 23 añanan anterior. Dentro di dos aña e situacion aki lo empeora seriamente pa motibo di e debenan adicional di mas o menos Afl. 1 bion pa motibo di e proyectonan PPP. Pero...AVP no ta etala e grafiek ey, ni tampoco e grafieknan cu ta demostra e reduccion considerabel di e aporte di gobierno pa fundacion, ni tampoco di e grafiek cu ta muestra e aumento di e obligacionnan di interes cu actualmente ta suma na Afl. 230 pa aña.

Esey ta mas cu henter e presupuesto di ministerio di Salubridad, esun di Husticia y casi mes hopi cu esun di Enseñansa.

Asina mes mester considera e grafiek di AVP cu cierto desconfiansa. Pasobra e grafiek aki ta presenta solamente e crecimiento economico porcentual durante di su gobernacion, compara cu esun di e ultimo gobernacion di MEP. Den esey no ta pone atencion na nivel di e GDP cu ta di mas importancia pa midi prosperidad di un pais. Manera por aprecia den e siguiente tabel cu cifra

di Banco Central di Aruba, nunca a supera ni e GDP real ni esun nominal di 2008 den e añanan despues.

* Cifra preliminar di 2016

X Afl. milj.	2007	2008	2009	2010	2011	2012	2013	2014	2015	2016*	2017**
BBP nom	4581	4914	4473	4279	4554	4537	4521	4743	4836	4774	4876
BBP reel	3615	3620	3210	3102	3212	3168	3301	3329	3332	3312	3331

E BBP real ta e balor di mercancia y servicio a base di prijs constante (dor di tuma prijs di un aña di referencia). Pues no ta tene cuenta cu e consecuencianan di inflacion.

E BBP nominal ta e balor di produccion di un pais durante un aña, na balor di prijs di e aña ey. E suma ey ta depende di e cantidadnan y di prijs di locual a produci..

** Proyeccion pa 2017

Ta mas importante ainda pa presenta e desaroyo di GDP pa persona. Asina ta bira cla si ta trata di un aumento of reduccion di productividad. Pero ta di vital importancia pa muestra e (desaroyo di e) debe actual y futuro pa persona, ademas di e posibel consecuencianan pa ciudadano. Siguiendamente mester compara nan cu situacion similar den nos region, manera Puerto Rico.

AVP lo presenta comunidad Arubano un imagen mas realistico, exponiendo e informacion aki tambe den grafiek cla, hunto cu e medidanan concreto cu e ta pensa di tuma pa logra financia publico duradero. Solamente asina por determina e futuro prosperidad di ciudadano Rubiano, cu nos partidonan politico aparentemente ta ansioso pa mehora.

Falta di preferencia causa di accidente cu persona levemente herida na Frankrijkstraat


ORANJESTAD – Diamars merdia a sucede un accidente na e T-weg Frankrijkstraat y Schotlandstraat.

Un Kia Picanto blanco a yega na e T-weg y subi sin duna e Toyota Tercel preto preferen-

cia y nan ta dal den otro. Dama chauffeur di e Tercel a keda herida. Ambulance a atende cu e victima na e sitio. Polis di trafico tambe a presenta na e sitio y tuma datonan. Daño material ta considerabel.



A detene dos hoben cu a manda auto riba Polis



SAN NICOLAS - Diamars atardi patruya di San Nicolas a duna un Nissan March

señal pa para pero e chauffeur a tira e auto riba polis, cu consecuencia esaki a touch e

oficial.

Di biaha e patruya a bay busca e auto den bisindario pero sin ningun resultado. Patruyando den area di Pos Chikito

pa mangel haltu a haya e auto. E hobennan a core drenta e mangelnan, pero tog a wordo detene.

Segun nan version nan a

spanta ora a mira polis y p'esey a tira e auto riba e polisnan. E auto tabata scondi den un cura di cas cu ta di un familiar di un di e hoben. E auto a wordo confisca.



Miembro di siguridad a yega trabou na sanger despues cu su colega a golpi'e den auto

ORANJESTAD - Na Safe Com un homber a yega trabou bek tur na sanger despues cu su colega a golpi'e cu e radio di trabou den Playa.

Polis a presenta y ambulance debi cu e trahado tin un corta serio na su cara. Paramedico di ambulance a atende cu ne.

Polis a tuma e datonan y hasta e number di e auto di e trahado di Safe Com cu a agredi e colega debi cu su auto tabata na trabou tambe. Algun



rato cu polis a bandona e sitio e homber a yega Safe Com start e auto y core bandona

e sitio, polis tin su datonan y esaki a keda pasa pa recherche.

Coriente a dal un trahado di contratista na Elmar



Polisnan a logra detene ladronnan cu a horta den apartamento



ORANJESTAD - Diaranson atardi un habitante ta informa autoridad cu tin ladronnan ta kibrando dren- ta den un apartamento na Venezuelastraat. Polis a logra gara un di e sospechosonan cu a core drenta un cura di

cas, e otro a bandona e sitio. Patruya di Oranjestad a busca den bisindario y a logra topa cu e otro sospechoso den Eleboogstraat. Polis a confisca e arma blanco cu e tabatin den su poder . E ladronnan a horta paña.

ORANJESTAD - Diaranson atardi un trahado di contratista haciendo trabounan na edificio di Elmar coriente a dal'e ora cu el a bay controla un fusebox.

E coriente a flash e trahado y consecuencia el a wordo herida y a cay abou. E hendenan den Elmar a scucha un tiro basta fuerte. Oficialnan a

presenta na e sitio pa haci un investigacion pa asina saca afokico por a bay robes. Ambulance a transporta e victima cu urgencia pa hospital.

R
RENAISSANCE
ARUBA RESORT & CASINO



Explore, discover, share, inspire

Unearth the lesser seen. Expose the hidden to help our guests discover. Let your passion become a career, with Renaissance Hotels.

We have the following position available:

Social Media Coordinator

We are looking for a creative, motivated, inspiring and energetic individual who has demonstrated outstanding writing abilities to fulfill this role:

- manage social media channels
- daily monitoring, posting and content development
- moderate forums, reviews and chats
- initiate conversations thru forums and postings
- prepare status reports on social media and success rates
- and more....

Please send your application, CV, diplomas and other relevant documents to:

Human Resources Department
iwilson@arubarenaissance.com
L.G. Smith Boulevard 82 I Oranjestad I Aruba I 583 6000
www.renaruba.com



Ministro encarga cu Salubridad ta anuncia cu entrante **9 juni 2017** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un koffiehuis/restaurantvergunning pa e parcela **de la Sallestraat 30-A**. E permisonan aki ta concerni e.o. benta di bebida sterki por detal y cuminda pa wordo consumi den e parcela. Durante dicho periodo aki tur hende por expresa por escrito nan obhecion contra dunamento di e permisonan menciona, dirigi na e Ministro encarga cu Salubridad, via intermediacion di Director di Departamento di Legislacion y Asunto Huridico, Schotlandstraat 53.

Pronostico di tempo

Tempo:

Levemente te parcialmente nubia cu un awasero breve. Temperatura maximo 33 grado celsius y temperatura minimo 28 grado celsius. Solo lo baha awe nochí 07:04 pm y lo salí mañan mainta 06:14 am.

Biento:

Moderate te basta fuerte for di direccion oost; forsa 4 te 5 (20 te 39 km/ora, 11 te 21 nudo). Den dia fuerte te posiblemente duro den rafaga; forsa 6 te 7 (40 te 61 km/ora, 22 te 33 nudo)

Situacion general di tempo:

Un ola tropical moviendo west lo pone temporalmente mas nubia pasa riba nos region. Den proximo 24 ora esaki lo trece cu ne mas chens pa awasero, principalmente den oranan di marduga y mainta. Mas aleu, stof fini

suspende den aire lo reduci visibilidad un poco den proximo dianan.

Condicion di lama:

Olanan di lama lo ta for di direccion oost cu altura di 4 te localmente 6 pia. E olanan di mas halto ta na costa noordwest di nos isla.



Rainbow Warriors International:

Dia mundial di ocean 2017 nos oceannan, nos futuro



ORANJESTAD – Coordina y promovi pa e organizacion Mericano The Ocean Project desde 2002, Dia Mundial di Ocean ta un celebracion anual riba dia 8 di juni y alabes un yamada pa promove conservacion di bida marino durante henter e aña.

Nacionnan Uni a oficialmente reconoce Dia Mundial di Ocean ora e Asamblea General a pasa un resolucion na final di 2008.

E celebracion unico aki di nos oceannan ta uni organisacionnan y principal personanan di acuario, museo, grupo hubenil, scol y universidad, empresanan y otro gremio, incluyendo (scuba) divers, surfers, marinero, comunidadnan religioso, artista, industrianan maritimo, di recreo y turismo, gobiernonan y mucho mas.

Cu e tema di e aña aki, “Nos Oceannan, Nos Futuro,” organisacionnan y personanan individual den mas di 100 pais rond mundo lo enfoca riba e prevencion di polucion marino causa pa plastico mediante eventonan, anuncio-

nan special y mucho mas.

Dia Mundial di Ocean e aña aki ta haya un nificacion extra special comokiera cu “Nos Oceannan, Nos Futuro” ta alabes e tema di e Conferen-

cia di Ocean di Nacionnan Uni tumando luga awor di 5 pa 9 juni 2017 na New York.

Tocante e conferencia di ocean di Nacionnan Uni Nos Oceannan, Nos Futuro;

colaboracion pa implementa Obhetivo di Desaroyo Sostenibel 14.

E Conferencia di Naciones Uni pa Sustene e Implementacion di Obhetivo di Desa-

royo Sostenibel number 14: Conserva y utiliza sosteniblemente nos ocean, lama y recursonan marino pa desaroyo sostenibel ta ser organisa na e Oficina Principal di Nacionnan Uni na New York di 5 pa 9 juni 2017 pa sostene e implementacion di Obhetivo di Desaroyo Sostenibel 14.

E ta coincide cu Dia Mundial di Ocean. E gobiernonan di Fiji y Suecia ta organisadonan y anfitrion pa e conferencia aki

E Conferencia aki ta boga pa crea e cambio y empuhe pa yuda para e deterioro di e salud di nos oceannan pa persona, planeta y prosperidad.

E lo sirbi pa crea un plataforma di compromiso di un y tur pa traha riba solucionnan practico.



Kiwanis Palm Club ta promove hermandad via di organisa un actividad entre clubnan



ORANJESTAD - E ultimo weekend di mei, Kiwanis Club of Palm Beach a organisa un torneo di softball cu diferente club di

servicio, incluyendo Rotary Aruba, Kiwanis Club of Aruba, y Kiwanis Club of Palm Beach.

Esaki ta di e 3 edicion di e evento caminda e clubnan ta competi contra otro pa asina pasa un rato agradabel cu otro. Pero mas importante ai-



nda, e evento tin dos rason su tras. Na prome luga pa sigui promove hermandad entre e clubnan y tambe e ta brinda e clubnan un oportunidad pa intercambia ideanan pa sigui ofrece servicionan y tempo boluntario bek na comunidad. Maske cu tin mas club di servicio na Aruba, e biaha aki a opta pa involvi e cuater clubnan aki pa sigui fomenta e movimiento di servicio y hasta purba di crea partnerships pa proyectonan mas ambicioso.

E clubnan di Kiwanis ta concentra hopi riba muchanan y mientras cu Rotary Aruba ta concentra mas riba hendenan

di edad, pero esey no kier cu nan no ta duna atencion na otro gruponan di comunidad. E pasion pa servicio cerca tur clubnan di servicio di Aruba ta bisto y pues ta natural cu clubnan ta purba di saca maximo probecho di talentonan di tur e miembronan.

Kiwanis Club of Palm Beach Aruba ta forma parti di Kiwanis International, un organisacion mundial di boluntario dedica na cambia mundo, cuminsando na un comunidad y un mucha. Nos ta un organisacion den crecimiento, dedica na yuda muchanan di mundo henter hisando nan calidad di bida.

Visit the Aruban Donkey Sanctuary

FREE ENTRANCE

Soft drinks and ice cream on the terrace. Roaming donkeys in their habitat.

Open daily from 9am until 4pm
In the weekends from 10am until 3pm

How to get there and for more information:
www.arubandonkey.org
of bel 593 2933

ARUBA DONKEY SANCTUARY

Esha cu lansamento y debut di su disco “Beautiful”



fundidad emocional di Adele y e sensibilidad comercial di Ed Sheeran, pero su bos ta posee un calidad fuerte y unico penetrante cu berdaderamente ta desafia comparacion cu cualke otro artista. “Dangerous” ta muestra e evolucion di Esha di un cantante/compositor hoben tremendamente talentoso pa un artista di categoria mundial.

Na unda “Beautiful” tabata un diario emocional y intimo di un artista hoben descubriendo su talento, “Dangerous” ta un coleccion di cancion yen di curashi y pasion cu ta explora e peligernan di amor. Ta toca di riesgo, haya poder y crecimiento, lora den musica cu ta tripi esun cu ta scuch’e pa no move cu e ritmo, canta cun’e riba e gancho pegadiso of yora pa e baladanan vocal cu ta profundamente ansioso. Cu un sabiduria cu ta supera su edad, Esha tin un habilidad natural pa composita gran cancionnan cu ta aborda experencianan complejo di

ORANJESTAD - Creatividad ta un proceso complejo y hopi bes evasivo, pero tin hende cu tin un don pa utiliza emocion y uni esaki cu palabra y melodia y transporta un berdad universal den un

cancion.

Esha tin e don ey. Scuchando su musica traha cu finesa y carga cu emocion, e ta dificil pa kere cu e curason y e bos tras di dje ta di un mu-



cha di apenas 15 aña, pero ya creatividad no ta limita na un number. Esha ta prueba di esey. Cu e lansamento di su disco debut “Beautiful” na 2016, y su di dos disco “Dangerous” na 2017, Esha ta na bon caminda pa crea un nomber pa su mes. Su cancionnan ta carga e pro-

bida, pero hopi biaha e ta mas irresistible ora e ta explora territorio mas personal cu baladanan vulnerabel manera “I’m Not Loving You.” “Semper e tabata biba den mi curason,” e ta bisa tocante su afinidad pa musica.

Continúa riba Pagina 17

CELEBRA DIA DI TATA Y GANA!

Makita

Cumpra un herment di **MAKITA®** riba 17 y 18 di Juni na **Kooyman Megastore** y ricibi un raffle Ticket cu e chans di gana un **Samsung 40" LED Smart TV!**

Bishita Kooymanbv.com pa mas detaye.

KOOYMAN MEGASTORE HABRI NON-STOP di 7am - 7pm y diadomingo di 9am - 2pm

Kooyman Megastore • Av. E. J. (Watty) Vos 20
www.kooymanbv.com [kooyman.megastore.aruba](https://www.facebook.com/kooyman.megastore.aruba) **KOOYMAN**





Su music video "Yesterday" ya a wordo mira mas cu 24,000 biaha den un par di luna di tempo. Tambe e lo wordo presenta den e edicion 2017 di Destination Magazine y e lo canta en bibo durante algun festival y evento musical prestigioso den zomer y herfst di 2017. Esha a siña cu musica ta un forsa poderoso y e ta cla pa uz'e pa haci un diferencia. "Mi ta spera cu mi musica lo haci un impacto riba hende," Esha ta bisa. "Mi kier pa e toca hende y mi kier pa nan haya algo den cada cancion cu nan por berdaderamente

Continuacion di Pagina 16

Esha a cuminsa composita cantica ora e tabatin solamente seis aña di edad, pronto despues cu e la wordo diagnostica cu Tourette's Syndrome. "Musica a bira mi terapia. E la yuda mi enfrenta e problema y e la duna mi un salida pa mi emocionnan. Y e la siña mi soña." E dianan aki el a siña maneha

su desafio y e no ta laga nada want'e mientras cu e ta dedica su mes na su musica. "Mi a haya un manera pa enfrenta mi problemanan door di composita cantica," e ta bisa. "Ora bo haya algo cu bo ta gusta di berdad y bo ta haci esfuerso y dedica tempo na dje, e por tin un efecto positivo den tur parti di bo bida. Bo por perde bo mes den locual bo gusta haci cu ta haci'e facil pa lubida bo

problemanan. Mi conseho pa otro cu ta deal cu desafio, ta pa busca loke bo gusta haci y lag'e salba bo." Esha tin hopi pa guia su en-

ergia positivo pe awor cu su carera ta lansando. El a firma un contracto di manehamento cu Copeland Tucker Group na Nashville.

Pharmaton ta e vitamina cu un mama lo duna su yiu

ORANJESTAD - Pharmaton no ta un suplemento desconoci. Al contrario, e ta un vitamina cu ta den famianan di generacion pa generacionnan.

Historia:

Pharmaton a subi mercado pa prome biaha na Suisa na aña 1961. Seis aña despues a lansa Pharmaton Kiddi® riba mercado. Y dje tempo aya el a bin ta pasa di generacion pa generacion di pais pa pais inclusive Aruba. Ta hopi ta e famianan cu ta uza Pharmaton.

Su distincion:

Kico ta distingui Pharmaton di tur otro suplemento? Ademá di e variedad grandi di vitamina, mineralnan y Ginseng, e contenido y porcentahe di cada ingrediente ta di un grado asina halto cu esey ta haci e suplemento y vitamina potente. Un so pa dia ta suficiente. Ademá di e contenido, e

combinacion di e ingredientenan tambe ta haci un vitamina poderoso cu ta bon pa henter e curpa, for di cerebro te cu circulacion, di wowo pa cu stamina fisico, di energia te cu reforsa un persona su memoria. Pues e ta un solo suplemento di caliber cu ta contene tur locual cu e curpa mester ne grado ideal y perfecto. Pa bo yega na e dosis cu un capsula di Pharmaton ta contene, bo mester tuma 2 pa 5 di e otro suplemento pareu pa por alcanza e potencia di Pharmaton, ademá cu Pharmaton tin mucho mas ingrediente cu e otro. No tuma nos palabra pe. Bay un botica y pone e suplementonan banda di otro y compara pa bo mes. Pharmaton tin tur locual cu e otro tin y mucho mas. Pharmaton ta e vitamina cu un mama lo duna su yiu. Busca e di bo awe mes na bo botica preferi. Su cas: Manrique Capriles Aruba telefon 5834036

YOUR MULTIVITAMIN & GINSENG G115® ENERGY TONIC

• AVAILABLE •
AT ALL LEADING
PHARMACIES

MORE THAN A MULTIVITAMIN FOR ADULTS
ONE CAPSULE PER DAY | ALL-IN-ONE CAPSULE

RCA "Welcome Back Snack" Campeon di Aruba den Junioren

SOLITO - Organisa-
cion Tricolor su "farm
system" ta sigui cosecha
exito, despues cu dialuna
anochi a derota Estrella
7-0 den e wega decisivo,
cu 4 gol di Jean Pierre
v/d Linden. E marcado
a wordo habri pa Diq-
ion Ras y Hugo Robert a
amplia pa 2-0 cual score
tawata na halftime.


Di dos tempo Champi ta
drenta den un cambio y ta
score tres gol rapido pa haci
e wega 5-0.

Mateo Velasco ta haci e wega
6-0 y Champi mes ta score
su di 4 gol pa pone marcado
final 7-0. E wega aki a atrae
basta publico ya cu Estrella
a termina campeonato reg-

ular na prome luga y den
play-off final a derota RCA
1-0, aunke e prome wega di
final RCA a gana Estrella
4-1.

Directiva ta felicita e ekipo
completo, staf cu a dedica
100% henter un aña y e
fanaticada cu ayera atrobe
tawata masha anima y a
apoya cu hopi respet. Inva-
sion cordial ta pa diahuebs
awo 8or den CDGPT ora
RCA "Big Wheel Loterry
powered by Powerade" bay
busca su clasificacion pa fi-
nal vs Britannia. Aki ta un
pa tera y un pa lama.

Soldatnan Tricolor ta com-
pletamente prepara pa e
wega decisivo. Ambiente ta
den man di DJ Edson y HP.





ORANJESTAD - Tur hende ta orguyoso di Arubianonan competiend local of internacionalmente. E aña aki e Tricampeon di Paso Fino, e amazona Melanie Wever a competi den e competencia di Spectrum Internacional, unda cu el a logra e trofeo di Youth Equitation. Minister di Salud Publico, Cuido di Nos Grandinan y Deporte, dr. Carlos "Alex" Schwengle tabata feliz di e oportunidad cu el a haya di a topa cu Melanie Wever na aeropuerto pa asina dun'e bon bini y pabien pa su logro.

Competencia internacional ta diferente cu competencia local, pasobra internacional un atleta ta bay representa su pais y ta trece un bon nomber pa e pais. "Esey semper ta bon sigur pa un pais chikito cu ta depende asina hopi di turismo, kieren e ta un reclamo gratis", Minister Schwengle a remarca. Minister Schwengle semper ta orguyoso di mira

Melanie Wever a haci un tremendo trabou na Miami

un hoben cu ta exalta den un deporte.

Melanie Wever ta un jinete, e ta core su cabay specialmente den Paso Fino. Por mira cu e hoben tin talento pa esaki y e ta bin cu premionan. "Esaki a un competencia cu el a bay na Miami y pa 3 biaha e ta gan'e. Melanie Wever ta traha duro pe y e sa bin cu e campeonato un biaha mas", Minister Schwengle a expresa. Ministerio di Deporte a felicita Melanie Wever y ful su famia, tur su famia y fanaticada.

Melanie Wever a train hopi aki na Aruba, pero na Merca tambe el a train cu su cabaynan cu e tabata competi cu nan. Un di e cabaynan el a haya esaki na ultimo momento pe por a competi. "Prome cu e competencia mi a train un rato. Tur cos a bay manera nos tabata kier", Melanie Wever a expresa. Nan ta

pensa di bay Puerto Rico, mientras cu otro aña lo tin e competencia mundial di Paso Fino. "Mi kier a duna un pa-

son y Alina Mansur cu ta mi otro teammate di Aruba cu tambe a haci un bunita presentacion", Melanie Wever a

petencia di Spectrum Internacional, pero e calidad di cabay a subi pero tambe den e montadonan. Un biaha



bien na Zoey Arends, Natalia Mouawad, Elizabeth John-

expresa. "Melanie Wever a cuminsa core cabay desde su 3 aña y el a gusta esaki," Myron Wever, tata di e hoben, a expresa. E mayornan di Melanie Wever semper a apoya e hoben y asina su trayectoria a cuminsa. El a participa na casi tur competencia di Paso Fino desde e edad jong. E tabatin hopi bon resultado, unda cu e tin medaya di brons, 3 oro sigui den mundial. Melanie Wever gusta haci e competencia di Paso Fino.

Tur aña na Miami tin e com-

mas esaki ta un reto nobo pa Melanie Wever y e biaha aki el a competi 10 biaha durante 4 dia.

Igor Kock ta train Melanie Wever aki na Aruba, pero e tata y primo di e hoben tambe ta train e. Tambe nan tin persona di Puerto Rico, pero tambe di Colombia y momento cu nan biaha e personanan aki ta yuda nan pa coach den exterior. "Nos ta bay mira si nos por logra bay 1 mas e aña aki, sino otro cu ta mundial", Myron Wever a remarca.



CGA Avanse a participa na un competencia na Panama di

ORANJESTAD - Di dia 1 di Juni te cu 4 di Juni na Pasillo Del Kaola Albbrook Mall na Panama, CGA Avanse orguyosamente a representa Aruba durante e prome competencia di Age Group y USAG di Latino America, durante No Limit Gymnastics Selfie Party 2017. Cu mas di 500 atleta a participa di diferente pais nan den Latino America y di Caribe, como Colombia, Ecuador, Peru, Chile, Trinida and Tobago, Costa Rica y Panama.

Club Gymnastico Arubano Avanse (CGA Avanse) a competi riba e dia aki cu 14 gymnasta di USAG nivel 2, 3, 4, 5, 6 y 7, di e edad 7-17 aña. Nivel 7 ta un nivel basta



halto, unda nos atleta nan ta destacando y logrando cada competencia internacional

cu nos participa, mas experiencia pa asina sigui bay progreso den e bunita deporte di

turnen. CGA Avanse ta orguyoso di anuncia cu e gymnastanan cu

a logra conquista un total di 44 medaya pa Aruba, di cual seis medaya di oro, shete di plata y cuater di brons. E gymnastanan a gana tambe cuater trofeo individual all around. Atleta nan cu a participa durante e competencia aki ta: Nivel 2: Casey Provence, Riannah Pannefle, Jay-Lay Wester, Nivel 3: Kiomi Hilario, Kaika Every, Milaini Gross, Nivel 4: Zara Clark, Nivel 5: Juneidy Odor, Sanne van Dam, Nivel 6: Amika Every, Jasmae Jansen, Ashely Provence, Kim de Vries, Nivel 7: Rebecca Spellin. CGA Avanse ta hopi satisfecho cu e resultado aki y ta spera hopi mas logro pa su gymnastanan den futuro. CGA Avanse, we are gymnastics, we are the future!

SueJean Kelly, Jeremiah Tjin, Shenelle Perez, Myron Adams y Zahyon Klabér a sali best fighter



ORANJESTAD - Diasabra ultimo a tuma luga e di 9 campeonato nacional na memoria di srta. Anashia Murray q.e.p.d organisa pa San Nicolas Taekwondo Center cu participacion di 5 scol di Taekwondo cu a bringa pa e copa di best team, miho coach y best fighter.

Grand Master Chaco Cornelio di Noord Taekwondo Center ta nos referee Olimpico y ta bay biah pa Korea pa para referee, a tuma e campeonato aki como un dia di pasa riba e stofnan di arbitrahe. Hunto cu Master Augy Tromp kende ta vice presidente di Artbo a guia tur e atletanan. Na final di e evento e dos referee internacional a delibera ariba tur e atletanan y a presenta nan lista di e miho bringadonan di dia y cu a merece e premionan di best fighter.

Den e categoria di infantil dama a sali Sue Jean Kelly di Stichting Tiger Academy Aruba.

Den e categoria di infantil mucha homber a sali Jeremiah Tjin di Brazil Taekwondo Stichting.

Den e categoria di cadet dama a sali Shenelle Perez di Noord Taekwondo Center.

Den e categoria di cadet mucha homber a sali Myron Adams di San Nicolas Taekwondo Center.

Den e categoria di junior mucha homber a sali Zahyon Klabér di Brazil Taekwondo Stichting.

Na e campeonato aki tabata tin un premio extra cu a wordo entrega na Shaul Illidge pa best coach di e 9 campeonato nacional na memoria di srta. Anashia Murray q.e.p.d.

Master Eric Barry hunto cu tur su miembronan ta felicita tur e miho bringadonan.



Otmar Oduber (POR):

‘Mas decision descabeya tuma pa prome Minister den porta di campaña’

ORANJESTAD - Den ultimo declaracionnan a tuma nota cu Prome Minister Mike Eman a papia di kier cera dump den e dianan nos dilanti.

No a menciona un fecha cu lo haci esaki, no a menciona con lo haci esaki y tampoco kico lo haci cu sushi si ya no tin un dump. Despues cu tabatin 7 aña pa atende cu e problema aki, awo den porta di eleccion kier cera esaki sin bin cu solucion

‘Mi ta kere cu nos mester para keto riba esaki un rato como cu riba su mes e hecho cu kier cera dump ta algo simpatico y un idea cu sigur nos mester atende na un forma hopi responsabel.’ Lamentablemente nos a mira cu den e ultimo simannan aki aworaki “5 pa 12” prome cu eleccion 22 di september venidero, decisionnan ta wordo tuma den un forma descabeya.

Serie di decisionnan den porta di eleccion Aruparking

Algun siman pasa a scucha mesun Prome Minister bisa cu ta elimina klem bou di presion di algun persona, sinembargo despues a resulta cu esaki no solamente tin e compania den un situacion cu ningun hende ta papia riba dje bacoba e ta den un situacion negativo. Un compania cu tabata den un situacion sano. Ya e pronosticonan ta cu e lo resulta den un compania cu debe, caminda cu ta pueblo di Aruba tin cu bay paga pa esaki un biaha mas y niun hende ta papia di esaki. Comerciantenan mes ta muestra riba e hecho cu esaki no tabata e solucion pa e situacion cu tin den nos caya grandi. Comerciantenan mes aworaki ta realisa y ta critica pasobra practicamente hendenan no por haya espacio pa nan por parkeer den centro di ciudad y haci nan compras. Tambe aworaki sin combersa cu e companianan cu ta huur auto kier pa nan paga un suma pa parkeer, siendo cu siendo cu mayoria Pais (desaroya) rond mundo ya conoce e aspecto aki di parkeermeters den centro di ciudad. Segun sr. Oduber esey ta indica cu locual cu falta ta mas conscientisacion riba e situacion

di paga pa parkeer. Sinembargo ta muestra un biaha mas cu den un forma descabeya ta tuma decisionnan sin pensa riba e consecuencia cu e tin pa e Pais aki.

Sector Primario

‘Pa loke ta agricultura, cria y pesca, ultimo 2 añanan medianan di prensa tabata presente na varios ocasion ora cu mi persona tabatin e honor di combersa hunto cu WEB y Santa Rosa caminda cu a haci henter un estudio y a midi necesidad y uzo cu tin pa awa. WEB ya caba tabata den e proceso pa prepara un tanki special na Balashi banda di nan planta, pa di e forma aki hunto cu Santa Rosa por bay ofrece awa na un miho prijs. Atrobe ta pone presion riba e compania na e momentonan aki pa purba facie un propaganda politico siendo cu esaki tabata den “pipeline” masha tempo caba. Practicamente mester djis ehecuta aworaki e prijs definitivo cu tabata mas o menos un 3 florin pa 3,50 pa loke ta trata e uzo di agricultura/sector primario aki na Aruba.

Plan di accion

POR a pone den e ‘Plan di Accion’ cu tin suficiente estudionan cu a wordo haci. Ta mira cu definitivamente mester bay den e direccion cu dentro di e prome 100 dianan di gobernacion lo mester cera y tuma un decision den ki direccion ta bay cu desperdicio akinan na Aruba. Si ta separa esaki bo ta uza companianan local cu tin suficiente capacidad pa haci esaki combina cu esfuerso di companianan di utilidad na Aruba pa sea produci gas of energia, den e caso aki coriente. Y e decision mester simplemente wordo tuma pa por prepara comunidad e ora pa e decision di cera e dump di Parkietenbos y otro dumpnan ilegal cu lamentablemente te dia di awe no a tuma luga. E decisionnan ad hoc aki por crea mas problema pa comunidad di Aruba.

Concluyendo sr. Oduber a enfatisa cu gobierno mester splica y no tuma decisionnan popular den porta di eleccion sin cu esaki ta sosteni pa un bon plan.

Joselin Croes, POR

E Forsa Nobo POR tin bista pa problema grandi y chikito di nos isla

ORANJESTAD - E forsa nobo ta un partido pragmatico cu no solamente tin bista riba e problemanan grandi manera nos economia cu ta basa solamente riba un pilar economico, nos leynan cu ta hopi anticua, nos cuida medico cu ta carece di calidad halto, nos siguridad di nos hendenan cu dia pa dia ta un problema mas grandi y no ban lubida e debe grandi di nos isla tin cual lo mester wordo pagado di no y dor di e proximo generacion.

E forsa nobo tin bista tambe riba problemanan chikito manera problema di cacho di caya cu dia pa dia ta birando un problema mas grandi. E consecuencia di e problema di e tantisimo cachonan di caya cu tin na Aruba ta cu e tin consecuencia riba e salud di nos hendenan, e tin consecuencia riba e percepcion di e turista di nos isla y nos hendenan, e tin consecuencia pa e siguridad di nos hendenan riba caya pero mas importante ainda e ta inhumano pa nos mester para mira bestianan sufri di hamber, sarna, auto ta dal nan, abandono. E forsa nobo hunto cu un grupo di expertonan riba e tereno ta trahando riba un plan di sterilisacion, adopcion y den un tipo di “dog farm”.

Un otro problema cu tambe POR ta trahando riba dje ta mehoracion di nos transporte publico. Hopi hende te e dia di awe mester cana oranan largo di bushalte pa nan cas paso no tin un bus ta yega cerca di nan cas. E ta hustamente e grupo mas necesidad cu ta haci uzo di bus. POR lo bay scucha di e bus chauffeurnan chikito y Arubus kico ta e rutanen mas uza y mira e posibilidad den traha hunto pa asina e usuarionan di bus no mester cana tanto pa yega nan cas y pa asina mehora e servicio di transporte publico.

Un bon servicio di transporte publico lo trece cu ne cu mas hende lo haci uzo di dje cual tambe lo yuda proteha nos medio ambiente y lo baha e problema di fila di auto. Un otro problema cu POR tin atencion pe ta e hecho cu por lo menos 50 porciento di tur nos camindanan ainda ta di santo cual ta dañá y susha bo auto y ta baha e balor di bo cas. POR banda di traha un plan detaya pa soluciona e problemanan grandi di nos pais e tin plannan tambe pa soluciona problemanan menos grandi pero cu ta biba den e curason di nos hendenan. Un voto pa POR ta un voto pa un cambio sigur. Abo mester POR trece e cambio cu Aruba tanto ta anhele, abo ta bay defini e futuro di nos isla pa nos yunan.

VACATURE



De afdeling Financiële Administratie van het Dr. Horacio E. Oduber Hospitaal heeft plaatsingsmogelijkheid in de functie van:

Medewerker Crediteurenadministratie

Bezoek onze website of facebookpagina voor meer informatie over deze functie.

www.arubahospital.com • hospitalaruba



Dr. Horacio E. Oduber **HOSPITAAL**

Jennifer Arends Reyes(AVP):

“Momento historico pa Aruba cu ley di crèche pa cuido di muchanan”

ORANJESTAD - Parlamento siman pasa, a trata ‘ontwerp landsverordening kinderopvang y olv van het begroting van het onderwijsfonds 2017. Miembro di fraccion di AVP, sra Jennifer Arends-Reyes a muestra cu mundo a cambia y mayornan awendia ta mas participativo den e mercado laboral. Especialmente hendenan muhe ta mas participativo cu antes y pa e motibo aki tambe, calidad di cuido pa muchanan, a bira mas importante cu nunca.

“Ta un momento sin duda historico pa Aruba, caminda cu porfin despues di 55 aña cu e prome centro di cuido di mucha a establece su mes na Aruba cu ta Kindervverblijf Te Aworo, Aruba ta conoce un ley cu ta prescribi e rekisitonan basico pa por opera un centro cu ta cuida mucha. Tratado internacional di derecho di mucha ta prescribi cu nos muchanan tin derecho riba proteccion, cuido y guia adecua. Awe nos por bisa cu Aruba ta un stap mas dilanti cu cumplimento di e tratado internacional aki na beneficio di nos muchanan. Nos lo ta cumpliendo tambe cu un di e recomendacionnan cu Unicef a enfatisa tambe den su rapport di 2012 pa cu pais Aruba.

Parlamento a cumpli cu e mocion cu mi persona a entrega na 2015 den nomber di fraccion di AVP cu a carga sosten unanime di e Parlamento aki, den cual a urgi Gobierno pa duna prioridad na e ley di crèche aki y nos a presenta un concepto pa Parlamento. Den pasado, pa ta mas specifico na aña 1998, a traha hopi riba e tema aki y no a logra trece un concepto cu a carga sosten di tur esunnan envolvi.

E historia di Aruba su centro di cuido a conoce durante transcurso di tempo diferente cambio, desde e prome centro na aña 1962 pa comienso di añanan 70 cu diferente crèche a habri nan porta na cas di famia, despues den añanan 80 e prome speelschool cooperativa a habri su porta, cual tabata Kereken-tenchi y na aña 1989 YMCA a cuminsa cu su programa di ‘opvang.’

Aña 1996 tabata un aña im-



portante den historia di ‘kinderopvang’ caminda cu doñonan di trabou a cuminsa bira consciente di nan rol y e prome ‘bedrijfsopvang’ a keda estableci cu ta MetaCare y recientemente Traimerdia a cumpli 20 aña di existencia. Awendia nos por bisa cu Aruba ta conta cu mas cu 130 pa 140 crèche cu ta registra, un Metacare cu a cambia di concepto pa motibo cu ta brinda un suma y e empleadonan mes por scoge cual crèche nan ta haya miho pa nan yiu of uno cu ta keda mas cerca di nan cas.

Tambe ta di elogia dos banco local y AZV cu a yuda nan empleadonan cu un contribucion pa ‘kinderopvang.’

Un centro di cuido di mucha tin su costo di operacion cun’e, y bishitando diferente crèche nos por a constata cu e

preocupacion di mas grandi ta cu tin crèchenan por cumpli awe cu tur rekisito basico cu lo ta necesario pa opera un crèche y tin otro centronan cu ta ‘underground’ cu no tin bista riba nan, cu ta cobrando mayornan placa pa nan servicio y cu lo por ta formando un peliger pa bienestar di muchanan.

Esaki ta e meta principal di e concepto di ley aki, crea un sistema di ‘vergunning’ of permiso, rekisito y control pa cada centro di cuido di mucha.

Bida di nos muchanan mester pasa di ta di un negoshi pa un centro di cuido cu ta serio y cu por carga e responsabilidad di cuida di nos ciudadanonan di mas chikito y fragil, esta nos muchanan.

Cada mayor sa cu nan yiunan ta nan tesoro y nan mester

por bay trabou cu curason trankil cu nan ta laga nan yiu den man di personanan cu ta capacita y tin e curason y training necesario pa traha cu mucha. Nos sa cu ken pasado y no mucho tempo atras cu Aruba tabata conoce diferente casonan sumamente lamentabel y si e ley aki por yuda na preveni e tipo di incidentenan aki, lo ta algo cu nos por sinti bon di ta contribuyendo na e siguransa aki. Cada caso lamentabel ta uno di mas riba nos isla y cu e ley aki di parti di nos fraccion y comision cu a sinta cu e lidernan di crèche, bishitando diferente crèche na Aruba, por bisa cu e ley aki lo mester por haci un diferencia positivo pa Aruba.

E ley aki ta un comienso, cu lo wordo introduci den fase. No ta e intencion cu e costo

di crèche subi y pa tal motibo a dicidi di pone termino di implementacion pa inversionnan den extra personal of un cura por ehempel si ta necesario.

E inversionnan aki ta importante, no por ta asina cu lo mester acepta e status quo y compromete e calidad y seguridad di nos muchanan. Tin biaha ta dificil pa compara Aruba cu otro pais, pero Aruba tin e porcentahe mas halto di mucha pa ‘begeleider,’ caminda tin mucho mucha pa un ‘begeleider’ wak pa nan.

Esaki ta un risico cu nos lo mester baha pero si teniendo na cuenta cu e situacion di Aruba.

E diferencia di prijs lo keda y mester keda existi den mi concepto, ta netamente e variedad di servicio ta locual ta importante pa tin. No ta tur situacion di mayor ta mescos y locual ta traha pa un, no necesariamente ta traha pa e otro. Pa tal motibo e rol di mayor ta keda central den vigila ki centro di cuido lo ta miho pa nan situacion y si nan ta ricibiendo e servicio cu nan a wordo priminti y si nan ta contento cu esaki.

Un punto cu ta importante pa keda subraya cu un centro di cuido di mucha mester keda un speelschool. Mucha mester hunga, fuera di cu e ta bon pa nan desaroyo e ta científicamente comproba cu hende grandi cu no a hunga tempo nan tabata chikito, ta mas inclina den bay den criminalidad. Muchanan den e edad di 0 pa 3 mester haci actividadnan y mester hunga y específicamente 3-plussers manera nan ta yama nan, mester cuminsa siña na un manera ‘spelenderwijs’ y prepara nan mes pa e programa cu kleuter lo tin pa nan, pues lo mester por enfoca riba e ‘voorkennis’ y preparacion di e grupo di 3-plussers.

E ley aki ta brinda un era nobo den cuido pa nos muchanan, e lo trece mas trankilidad pa mayornan cu ta haci uzo di e facilidadnan aki, pa asina nan cumpli cu nan deber laboral diariamente y ta segura cu e cuido lo keda riba un nivel halto cu tur mayor ta desea pa nan yiu tin durante di nan estadia den un crèche,” Parlamentario Arends Reyes a trece dilanti durante di e reunion publico caminda e ley di crèche a wordo aproba den forma unanime.

Fraccion MEP:

Rene Herdé ta sigui manipula cu cifra di desempleo

ORANJESTAD - Na cuminsamento di e siman aki parlamentario sr. Rene Herde di AVP, a bolbe trata di manipula mente di pueblo, caminda el a trece padilanti cu bao di Gabinete Eman e tasa di desempleo a wordo reduci te na 5%.

Siguramente esaki ta un cifra fantasma cu sr. Herde mes no ta kere den dje, mirando e situacion desastroso cu su gobierno a hinca nos pais aden y caminda nos a conoce crecimentonan economico negativo durante e ultimo 2 añanan, esta di -0.5% na 2015 y -0.2% na 2016 y di cual e caidan aki siguramente no a aporta na creacion di mas cupo di trabao den e pais aki.

Miles di desempleado Asina nos por mira con e politico aki ta sigui manipula cu e cifra di desempleo. Hecho ta cu durante Censo 2010, esta bao di Gabinete Eman a ser midi un cifra di desempleo di 10.6%. Alabes tur hende ta consciente caba cu desde e aña ey un gran cantidad di cupo di trabao a bay perdi debi na entre otro e ciere di e refineria Valero na 2012, caminda mas cu 2000 trahado y contratistanan a bay cas. 90% di e negoshinan na San Nicolas a cera y mas cu

ENTRADA LOONBELASTING (x miyon Afl.)			
Gabinete Oduber (MEP)		Gabinete Eman (AVP)	
2002	220	2010	243
2003	235	2011	231
2004	247	2012	246
2005	266	2013	237
2006	296	2014	262
2007	234	2015	248
2008	248	2016	261
2009	231	2017	*
TOTAL	1977	TOTAL	1728
Promedio	247	Promedio	247

50 negoshi den Caya Betico Croes tambe a cera durante e ultimo añanan, mescos ta e caso cu varios restaurant y tiendanan den shopping mall. Trahadonan di casino y hotel a wordo manda cas debi na e caida di nos turismo. Un gran cantidad di empleadonan di banco y seguro a bay cas cu pakete, trahadonan local den construccion ta na cas y varios compania di aviacion a bati bancarota.

Engaño y falsedad Pues ta mas cu logico cu e cifra di desempleo no por a keda nunca na 10.6% y lo a subi barbaramente y ya ta yegando banda di 15 %, un cifra hamas bisto desde algun decada. Sinembargo, kico nos ta mira? Rene Herde kier sigui manipula mente di pueblo cu e cifra di desempleo na Aruba ta apenas 5%. Un engaño y falsedad total cu ta inherente na e regimen di Mike Eman. Pa demostra con

manipulativo e cifra di 5% di desempleo ta, MEP kier a trece padilanti lo siguiente: Si di berdad nos pais a conoce un reduccion drastico di desempleo manera cu Rene Herde ta pretende, anto siguramente esaki lo a trece cu ne cu miles di e empleadonan extra aki ya lo ta aportando cu sumanan substancial na e caha di gobierno por medio di pago di loonbelasting.

Entrada na loonbelasting

Entrada na loonbelasting ta un di e indicadornan pa midi e desaroyo di empleo y desempleo den un pais. Pero kico nos ta mira? Si analisa e cifranan di e sumanan cu gobierno a ricibi na loonbelasting desde 2002 te cu 2016 nos ta mira cu entre 2002 te cu 2009 e gobierno di MEP a ricibi un total di 1977 miyon florin y cual ta un promedio di 247 miyon florin pa aña. Y durante di e gobierno di AVP (2010-2016) un suma total di 1728 miyon florin a ser ricibi na loonbelasting y cual ta un promedio di 247 miyon florin pa aña.

Pues claramente por mira cu nada espectacular a sosode durante Gabinete Eman pa loke ta e entrada na loonbelasting, ya cu e promedio a keda igual cu durante Gabinete Oduber, esta di 247 miyon! Hecho ta cu si di berdad e gobierno di AVP a logra baha e cifra di desempleo for di 10.6% na 2010 te cu 5% na 2017, anto ta hopi miyones di florin extra na entrada di loonbelasting lo mester a drenta caha di gobierno entre 2010 pa 2016. Sinembargo tur e cifranan di Banco Central ta muestra cu esaki no ta asina y cu ta solamente sr. Herde kier sigui defende ciegame henter e mal gobernacion di su partido AVP.

Hipólito "Eddy" Ras, POR

Introduci Open Leer Centrum na scolnan ta parti di digitalisacion di enseñansa

ORANJESTAD - Pa mantene enseñansa na e competencianan cu sector laboral ta desaroya, mester percura cu enseñansa desaroya y prepara alumnonan segun e direccion cu sector laboral ta desaroya.

Segun tecnologia ta desaroya, companianan tambe ta haci mas uzo di tecnologia. Computer y internet ta instrumentonan esencial na companianan, cual cu companianan ta haci mas uzo di digitalisacion. Y hasta nan ta motiva nan cliente pa haci uzo di tecnologia: pe. banco, seguro, WEB, ELMAR, etc. Acerca tecnologia ta bay asina acelera cu awendia un smart phone a bira un persona su laptop, como cu smartphone ta brinda e mesun apps y software cu un computer.

Un competencia cu compania ta spera di nan empleadonan ta, pa nan ta den posicion pa sigui desaroya door di educa nan mes y aplica na desar-

oyo den practica. Awendia informacionnan riba tur materia ta facil pa haya. Pa medio di Google, Youtube, etc., un persona por haya e informacion di locual e mester. Acerca e sitenan riba internet ta splica un persona con pa aplica e informacion den practica. Pa es motibo scolnan mester cuminsa cambia e sistema di klasikal les pa competentiegericht onderwijs. Competentiegericht onderwijs ta un sistema de enseñansa unda cu e alumno mester ta mas activo enbes di ta pasivo. Esaki ta haci cu e tarea di docentenan tambe lo ta diferente. Enbes di para dilanti klas y pasa informacion, e docente ta bay observa e proceso di con e alumno ta busca informacion y aplica e materia den practica. Un sistema cu lo tin un influencia positivo riba e termo "Life Long Learnig".

Den enseñansa actual y pa den futuro computer y internet ta instrumentonan esencial. Un situacion cu ta sosode

aki na Aruba ta, cu hopi alumno no tin nan mesun computer pa traha riba nan proyectonan na cas y no tin internet. Banda di computer dos aparato cu ta wordo uza hopi ora di traha y / of entrega proyectonan, ta scanner y printer.

Pa medio di introduci OLC (Open Leercentrum) na scolnan secundario, alumnonan tin e oportunidad di traha riba nan proyectonan na scol durante of despues di oranan di scol. Un OLC ta un espacio / lokaal caminda tin computer, scanner y printer cu alumnonan tin mester pa nan proyectonan y cu e posibilidad di haci uzo di nan.

E grandura di e espacio y cantidad di computer cu un scol mester ta depende di cuanto alumno e scol por carga. Un scol cu por carga mas alumno, lo bay tin mester di mas espacio y computer. Tambe lo mester tin un espacio unda cu alumnonan cu

ta desea di studia, por tin tur e tranquilidad pa por sinta studia. Pa medio di un OLC, scolnan por cumpra un cantidad di licentie pa su alumnonan. Licentie ta na luga di cumpra buki, ta cumpra bukinan digital. Licentie ta conta igual pa programanan (software) di computer cu alumnonan mester uza pa scol. Pa e OLC traha optimal y efectivo, ta bay tin mester di un ICT beheerder cu ta controla y supervisa e OLC. Un di tareanan di e ICT beheerder ta pa blokia pagina web cu ta prohibi pa wak of haci uzo di nan durante oranan di scol.

Pa medio di digitalisa enseñansa y introduci OLC, como instuto educativo bo por prepara e alumnonan na e competencianan cu empresanan ta desaroya. E situacion menciona ta brinda nos hobennan local un miho trabou den futuro y miho salario. Cual lo contribui na un economia stabiel y bienestar social den comunidad.

Booshi Wever UPP:

Otmar su critica na AVP ta manera e burico ta yama e porco pa horea di para taxi



ORANJESTAD - Informacionnan confidencial cu gobierno no kier divulga, normalmente ta yega den nos "brievenbus" particular. No ta posibel pa constata ta ken a hink'e aden. Pa e motibo cu ainda no tin un ley pa proteha e "klokkenluid" ta bira imposibel pa menciona nomber di e persona cu a entrega e informacion.

Den e caso di Otmar e situacion ta diferente, pasobra e NO mester di "klokkenluid". E mes ta esun cu tabata tin acceso na tur informacion di e gobierno durante di mas di 7 aña. Tur informacion lo ta bon warda den su file special cu lo por tin diferente topico, manera: *con pa abusa di e pueblo su inocencia, *con pa enrikece su mes y su amigonan durante su funcion como minister, *con pa vigila su coleganan di partido y finalmente *con pa evita cu nan lo por basha abou riba su propio actonan corruptivo.

Parce cu Otmar kier reemplaza su ex lider como "de

braafste jongentje in de klas" cu obviamente kier laga nos tur compronde cu e nunca a kibra un copi ora cu el a critica Mike Eman, pa su declaracion haci encunto entre otro e dump na Pakietenbos. Otmar kier pa nos pueblo compronde cu e gobierno ta tuma decisionnan descabeya y ad-hoc y principalmente cu awor cu ta "5 pa 12" pa e eleccion di september. Otmar sinembargo kier pa nos pueblo lubida cu pa mas di 12 aña largo e mes tabata forma parti di e partido cu awor e ta desprecia y cu ta su mesun persona cu a apoya e boycott di e proyecto abiertamente hunto cu Andin y dos otronan riba su lista. E hunto cu su "partners in crime" a percura cu e pueblo di Parkietenbos ta sufriendo djis pa un capricho infantil y pa faborece un finanzista di AVP y POR. No lubida cu e tambe pa parti di esunnan cu a perhudica e pueblo di San Nicolas, dor di a boicotia e proyecto di IM-SAN pa awor bisa cu su partido lo bay all out pa duna e sosten completo na IMSAN. Den mesun forma, e mes

como miembro di oposicion a declara den pasado, cu e lo regla di inmediato e ruina di hotel Bushiri. No ta e mes kier a yega na un areglo bou man cu rumannan di su mentor Tico Croes? Hasta nos sa cu tabata tin un procedura pa basha e edificio di Bushiri abou y esaki no bay dor pasobra esun cu a gana e bid, no kier a paga 86.000 florin bou mesa cu Otmar a pidi e contratista.

No ta e mes ta e persona cu no kier a divulga e rapport cu gobierno a paga y cu a wordo ehecuta door di Price Waterhouse Coopers encunto e polemica di all-inclusive y cu a hasta hib'e na un debate emocional cu su actual miembro di partido Biker den parlamento, kende a acus'e di "spindoctor"? No ta e mes cu a indica cu oposicion no sa kico nan ta papia ora ATA y su persona a gaba na grandi cu turismo a subi mas di un miyon persona, a pesar cu a indica cu ta trata di Venezolanonan cu a bin busca dollar? No ta su persona a sigui e maneho di dividi y

manipula cu e diferente asociacionnan di taxi? No ta e mesun Otmar cu a crea un departamento nobo y nombra un amigo di dje cu un salario barbaro sin cu esaki tin e experticio necesario pa dirigi un departamento asina?

Y no ta su persona cu na principio di januari 2016 a bisa textualmente: "Awe mi ta mas orguyoso cu nunca di e gobierno aki, y mas orguyoso cu nunca di e partido cu ma scoge pa inicia mi carera politico"!! Ironia den esaki ta cu den e mesun luna di januari 2016 a critica e partido abiertamente y ferozmente y hasta a bay gobernador pa entrega un carta cu 10 punto cu lo mester a wordo atendi sino e lo retira como minister? Y sin ningun tipo di berguensa a keda sinembargo mas cu 10 luna den e funcion di minister.

Mi ta completamente di acuerdo cu Otmar cu ta "5 pa 12" pa pueblo por comprende cu su ex partido y esun cu e ta lidera awor aki tin falta di etica, moralidad, sinceridad y integridad. Ta "5 pa 12" pa

pueblo por comprende cu un voto pa su persona y partido POR ta un voto pa continua un maneho devastador cu su ex partido deliberadamente a hiba y cu su ex lider di partido Mike Eman cu boca grandi a confirma ora el a declara di ta orguyoso di a hinca Aruba den e debacle financiero mas grandi cu nos Pais a conoce. Y kico tabata e reaccion di Otmar; el a sinta bati man y apoya Mike Eman 100%. Otmar Oduber ta un bon ehempel di e dicho na Spañ: el burro llamándole al puerco orejón (e burico ta yama e porco pa horea di para taxi). Su politica tabata mescos cu esun di AVP pa polarisa, dividi, manipula y enrikece su mes y su amigonan pa awor kier bin hunga e rol di martir y defensor di pueblo. Mester stop definitivamente cu e tipo di politica aki y e unico forma pa haci esaki ta door di inclui di antemano reglanan di bon gobernacion na unda lo mara man di e politiconan. Y UPP tin e Real Deal pa logra esaki pa un miho mañan pa un y tur.



Tel: 593-0857 / 588-6699 / 560-1403
Fax: 588-6698

Cu inmenso tristesa na nos curason pero conforme cu boluntad di Dios nos ta participa fayecimento di:



Pedro Alfonso Pardo

miho conoci como "Papi Pedro", "Perus", "Bombi"
*29-06-1926 †02-06-2017

Na number di:

Su esposa: Carlixa Pardo de Jesus

Su Yuinan: Pedro Alberto "Berto" Pardo
Sara Pardo y Raphael
Nuris Pardo
Sandra Geerman Pardo y Ronald Geerman
Olga Pardo y Joram Pannekoek

Yuinan di criansa:
Gislène Werleman-Semerel y Jamil Werleman
Ryan Semerel y Liseth Semerel

Nieto(a)nan: Shamir y Jetnny Silvania
Shaitsy Silvania y Angelo Ignatius
Nishenou Felix
Urich Pardo
Rosandy Geerman
Urwayne Pardo
Garey Dañe
Gregory Kock
Juliene Jansen
David Werleman
Genesis Werleman
Riley Semerel
Vayen Semerel

Manera Yui: Safira Becker, Magaly Farro, Leen Statia, Stella Toms
Sobrino stima: Luisito Vrolijk

Mama di su nietonan: Jamila Kociman

Bisanietonan: Xzion Parra, Jayden Silvania, Urjion Pardo, Xenia Ibarra

Ruman: Isabel Robles y Yuinan
Prima: Isabel Kock y famia

Ayudante nan: Elmira Saucedo, Zr. Aki Mercelina
Bon Amigo nan di cas: Velma Albertus, Irma Eights, Lydia Koolman, Hubert Kock y famia, Maikel Agustín y famia, Visia Tromp.

Comer/ Comper: Daisy Tromp y famia
Pablo Kelly

Sobrino y Sobrina nan, Primo y Prima nan, bisniña nan y demas famia nan:

Stroop, Reina Murray, Van der Berg, Maduro, Martis, Diaz Krosendijk, Pardo y Llanes na Colombia
Demas Famia : Pardo, Silvania, Felix, Geerman, Werleman, Semerel, Statia, Kock, Vrolijk, Dañe y Becker.

Ta invita tur amigo bisniña y conoci pa asisti na e dia di condolencia cual lo tuma lugar Diabierna dia 9 di Juni 2017 entre 7or pa 9or PM na Aurora Funeral Home. Acto di Entierro lo tuma lugar Diasabra dia 10 di Juni 2017 na Misa Virgen di Fatima Dakota entre 9or pa 11or am.

Nos disculpa si den nos momento di tristesa nos por a lubida un of otro famia.

Nos ta imensamente agradecido pa tur lo cual e a significa pa nos,
Cu papi Pedro sosega na paz.



Tel: 593-0857 / 588-6699 / 560-1403
Fax: 588-6698

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta conforma nos mes cu su misión cerca nos a keda cumpli,
a bay sosega inesperadamente:



Jeannine Tromp-Maduro

*13-06-1970 - †07-06-2017

Na number di su:

Casa: Anthony "Tony" Tromp
Su prins: Jaywald Tromp
Mama: China Maduro- Dijkhoff
Tata: †Nelson Maduro
Ruman: Chariselle y Jairo Dania
Subrinonan adora:
Sean Toppenberg y Joe-ann Flanegin y yiu J'Sean Zhyon Dania
Manera ruman:
Sharylaine Maduro y yiu Fredzhyrre
Y demas famia

Acto di entierro ta tuma lugar diabierna 9 di juni 2017 di 9'or pa 11'or di mainta na Aurora Funeral Home, despues saliendo pa Santana catolico Pastoor Kraanwinkel na Paradera



Tel: 593-0857 / 588-6699 / 560-1403
Fax: 588-6698

Mi ke alabá SEÑOR tur tempo,
Su alabanza lo no kita fo'I mi boca,
Mi alma ta gloria den SEÑOR,
Laga humildenan bin tende y gosa.
Canta grandesa di SEÑ-OR huntu cu mi,
ban alabá SU Nomber tur huntu!
Salmo 34

Cu honda pena nos ta anuncia feyecimento inespera di :



Ivan Jesus Zavala

*10-03-1960 - †03-06-2017

Acto di entierro lo wordo anuncia despues

Andin Bikker P.O.R

Ley di AZV no tin e aspecto di prevencion tur cos ta depende si e dokter ta haya cu ta necesario pa haci un check up general



ORANJESTAD – Partido P.O.R, E Forsa Nobo a presenta su plan di gobernacion, den esaki tin e plan di accion cu e partido completo lo haci un reforma riba salubridad. E reforma ta basa riba e principio di e concepto cu actualmente ta ley di AZV.

Actualmente AZV ta dirigi basicamente na momento cu un malesa ta presenta su mes na un persona. Loke ta lamentabel cu den e ley di AZV no tin e aspecto di prevencion.

Pa Andin Bikker esaki ta e motibo cu Partido P.O.R, E Forsa Nobo a dicidi di modernisa e ley di AZV pa asina pone e aspecto di prevencion den e ley. Actualmente si un persona ta desea di haci un check up general no por ta posibel solamente si e dokter di cas en contra un sintoma cu ta indica cu posiblemente tin un malesa. Esaki ta e motibo cu hopi ciudadano na Aruba ta bay den exterior y den menos cu 3 ora e pashent ta haya su resultado. Sinembargo na Aruba na momento cu e pashent bay su dokter di cas e lo mester ta sufri di un malesa of tin cierto sintomanan pa e dokter por haya indicacion pa e pashent por haci un check up general.

Segun Bikker e situacion aki ta frustrante debi cu te na momento cu haci un check up general y si detecta cierto malesanan e ora hopi biaha ya caba e pashent ta den un estado hopi avansa. Andin Bikker di Partido P.O.R, E Forsa Nobo ta kere cu Aruba mester bay den un dimension cu tur hende mester por haci un check up general anualmente, principalmente e grupo di risico y of cualkier persona pa haci e control pa su propio bienestar. Asina aki tambe di antemano por preveni si e persona ta na caminda pa haya cierto malesanan. Esaki ta significa cu den un periodo hopi tempran por detecta si e persona aki mester di tratamento pa por preveni cierto malesanan.

Andin Bikker di Partido P.O.R, E Forsa Nobo ta confia cu e posibilidad pa un persona haci un check up general ta na su luga, enbes cu na momento cu tin sintomanan so di cierto malesa e ora tin indicacion cu e ciudadano por haci un check up general y si e dokter no ta haya cu ta necesario e persona no lo haci su check up pa por kita su dudanan di loke e ta sinti.



“Señor ta mi wardador mi’n tin falta di nada.
Den cunucu di yerba berde, E ta ponemi sos-
ega.”

Cu honda pena pero conforme cu boluntad di
Dios, nos ta anuncia fayecimento Cristianamente di:



Sra. Vda. Maria Pharailda de Kort - Lacle

mihor conoci como: “Shon Fa”
Viuda di Ramiro (Chomi) de Kort
★ 3 maart 1923 - † 5 juni 2017

Na number di su:

Yiunan: Rudi y Isvenia de Kort - Quijada
† Glenda y Gabriel (Eli) Thijsen

Nieto(a)nan: Rosemarie y Gilbert (Gibi) Jan-
sen - de Kort

Mailinn & Patrick Geerman - de Kort
Gerard Thijsen y Carmen Nicolaas
Gisella Thijsen
Gabriella y Juan-Carlos Geerman -
Thijsen

Bisanieta(a)nan: Germain Jansen y Millicent
Harms

Gilmarie Jansen y Roshan Wernet
Nathan Geerman
Jaythan Geerman
Glendeline Geerman
John - Allen Geerman

Tataranieta: Roshianne Wernet

Cuña: Gumersinda de Kort
Olga de Kort
Lucy Lacle

Ihanan, subrino y subrinanan, primo y pri-
manan, staf y personal y compañeronan di Cas
Cuido y Alegria pa nos Grandinan.

Demas famia: de Kort, Lacle, Quijada, Thijsen,
Jansen, Geerman, Nicolaas, Wernet, Harms,
Koolman, Henriquez, Haakmeester, Loeffstok,
Walters, Zaraga, Lin, Wouters, Arends, Bislick,
Perez, Rodriguez, Croes, Ayubi, Angela, Cor-
doba, Heeringa, de Cuba, v/d Linden y demas
famianan na Curacao, Hulanda y Merca.

Si en caso den nos tristeza nos por a lubida al-
gun persona of famia nos ta pidi nos mas sincere disculpa

Acto di entierro ta tuma lugar Diahuebs 08 juni
2017 pa 4or di atardi na Misa Sagrado Cura-
zon na Savaneta y despues saliendo pa Santana
Catolico na Savaneta. Nos defunto stima “Shon
Fa” lo ta reposa for di 2or di atardi na Misa.

Adres pa condolencia: Ad Patres Funeral Home
Diaranson 07 juni 2017 for di 7:00 pm pa 9:00
pm

Staff y personal di Ad Patres funeral home ta
extende

nos mas sincero condolencia na famia di e
fayecida. Condolencia por wordomanda riba
nos website:

www.adpatres.webs.com



Tel: 593-0857 / 588-6699 / 560-1403
Fax: 588-6698

Serka Senjor mi ta na paz manera un jiu serka su mama.
Salmo 131.

Cu profundo tristeza pero agradecido pa tur locual e a
significa pa nos y conforme cu boluntad di Dios nos ta
participa cu a bai sosega den brasanan di Senjor:



Sra. Hipolita Albertsz- Maduro

Cariñosamente jama Polita
★13-02-1934 - † 03-06-2017

Na number di su casa: Ceferino (Pooy) Albertsz

Jiunan:

Engelberto (Tico) y esposa Esther Albertsz-Geerman
Rinolva y esposo Olindo (Juni) Kock-Albertsz
Beatrice y esposo Gert Jan Van Galen-Albertsz

Nieta i nietonan:

Samantha, Zahira, Engelberto Israel Albertsz y
Lidwitza Ruiz na Hulanda
Jouraine Kock na Hulanda
Eugene, Kevin Van Galen na Hulanda
Bisanietonan:
Ziquion y Zhyveon Albertsz na Hulanda

Rumannan:

Ciriaco (Ciro) y esposa Libia Dirksz-Arbelaes i famia
Francisca Dirksz na Hulanda
Lydia Dirksz y jiu Jovino Lacle
Merce Dirksz
Antusia y esposo Pascal Snelders-Dirksz
Wilfrido y esposa Marlenda Dirksz-Croes y famia
Lourdes Dirksz
Hubert Mariano y esposa Margaretha Dirksz-Geer-
man y famia
Glenda Dirksz
Theodoor Koolman
Aura Koolman y famia
Rita Koolman

Swa i cunjanan:

Ety y esposa Marie Albertsz-Roga y famia
Jonco Albertsz y famia
Hector y esposa Tona Albertsz-Kelly y famia
Florito Albertsz y famia
Francisco y esposa Grace Albertsz-Rosel y famia
Leta y esposo Humphrey Heiwitt-Albertsz y famia

Tanta: Johanna Angela y famia

Omo: Marciano Angela y famia

Consuegro y Consuegranan:

Olindo y Luisa Kock-Quant y famia

Sra. Vda. Van Galen y famia na Hulanda

Sobrino y sobrinanan, sobre sobrino y sobre sobrinan-
an, primo y primanan, 21 ihanan, comer y compernan.
Su bon bisinjanan.

Su grupo di TAI CHI y conocirnan.

Su ayudante : Sra. Mildred Garrido (Mimi)

Famianan: Albertsz, Maduro, Dirksz, Koolman, Geer-
man, Kock, Van Galen, Hermus, Lacle, Engelen, Car-
olina, Rosel, Angela, Briceño, de Cuba, Roga, Iraus-
quin, Thiel, Willems, Pena, Arends, Vrolijk, Thode,
Dabian, Rasmijn, Kelkboom i demas famianan.

Ta invita pa asisti na e acto di entierro cu lo tuma lugar
diasabra 10 di juni 2017, for di 2 or pa 4 or atardi na
misa Inmaculada Concepcion na Sta Cruz y despues
pa Santana Catolico na Sta Cruz.

Nos difunto stima Polita lo ta reposa for di 11 or di
mainta te cu 1.30 atardi na cas ROOI BOSAL 94.

Adres pa condolencia: ROOI BOSAL 94 for di 6 or pa
9 or di anochi.



“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso tristeza na nos curazon nos ta par-
ticipa fayecimento inespera di nos defunta stima:



Melitsa Andrea Duran-Maduro

★09-02-1987 - †07-06-2016

Na number di su:

Mayornan: Angel David Duran
Miriam Sandra Duran-Maduro

Yiunan: Angel David Wu
Andres Andy Wu

Iha: Roderick Tromp

Rumannan:

Melanie del Carmen Duran, Elver Brunal
Maria Antonieta Duran
Mirshalin Angelica Duran
Gabriel Gabriel Duran
Angeleth Duran

Wela:

Maria Irena (Chichi) De Cuba-Maduro
Tios & Tias :
Elston & Milagros Maduro
Isabella Miranda Maduro y Rashid Kock
Antonia Elena Duran
Maria Duran Gonzalez
Cemida Duran
Obdulio Duran, Nelly Duran
Manuel Duran
Arcenio Rios

Primo(a)nan pega : Brandon Solognier
Yamily Maduro
Yanis Maduro
Yamilca Duke

Demas primo y primanan Duran, Maduro, De
Cuba

Amiganan di cas: Rosalinda Tromp
Izaira Lampe

Demas omo y tantanan grandi, amigo(a)nan,
conocirnan, famia Maduro, Duran, De Cuba,
Yarzagary, Estrada, Koolman, Brunal, Duran
Chacin, Duran Gonzalez, Rios Duran, Duran
Palmar, Duran Fernandez, La Real Palma, Du-
ran Carrasquero, Duran Cambar, Duran Mon-
tiel, Vrolijk, Carvahal

Nos ta pidi nos disculpa si den nos tristeza nos
por a lubida un of mas famia y cu despues di en-
terro ricibi bishita di condolencia na

Acto di entierro lo wordo anuncia despues



Paardenbaastraat 10, Oranjestad, Aruba Tel.: (297)5257555

www.lottoaruba.com

Resultado di Sorteo 07 Jun 2017 Anochi

CATACHI
Sorteo # 6194
0703
9449
8827
BIG 4
Sorteo # 5238
6604
ZODIAC
Sorteo # 3997
3947
Scorpio
KORSOU
Sorteo # 1731
4699
1666
2126

LOTTO 5	03-07-09-26-31
Sorteo # 1800	Joker 30 Letter M
0 x Jackpot	
1 x Match 4+	
8 x Match 4	
422 x Afl. 12,00	650.000,-

LOTTO DI DIA	05-15-22-23-27
Sorteo # 4077	Proximo Jackpot
0 x Jackpot	
3 x Match 4	
99 x Afl. 8,00	56.000,-

MEGA	Mega Ball
Sorteo #	
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	1.525.000,-

MINI MEGA	Afl. 2.250.000,-
MEGA PLUS	



DIARIO

0208-2373-9227

SUPER 4

4586

SMARTPLAY 7593-4200-1412
DAILY 6926-0734-4095
FLAMINGO 5019-4586-1423



Paardenbaastraat 10, Oranjestad, Aruba Tel.: (297)5257555

www.lottoaruba.com

Resultado di Sorteo 07 Jun 2017 Merdia

CATACHI
Sorteo # 1877
9830
3510
5400
BIG 4
Sorteo # 1877
6931
ZODIAC
Sorteo # 1877
1208
Scorpio
KORSOU
Sorteo #

LOTTO 5	Joker Letter
Sorteo #	
0 x Jackpot	
0 x Match 4+	
0 x Match 4	
0 x Afl. 12,00	625.000,-

LOTTO DI DIA	Proximo Jackpot
Sorteo #	
0 x Jackpot	
0 x Match 4	
0 x Afl. 8,00	55.000,-

MEGA	Mega Ball
Sorteo #	
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	1.525.000,-

MINI MEGA	Afl. 2.250.000,-
MEGA PLUS	



Aries

Awe un grupo por invita bo pa participa den un proyecto di creacion di algun tipo. Bo numbernan di awe 3, 12, 22 y 41.



Tauro

Bo por ta planeando organisa un evento social den bo cas awe nochí of por ta pa aki algun dia. Bo numbernan di awe 8, 17, 38 y 46.



Geminis

Awe ta posibel cu bo ta desea di pasa tempo bishitando amistadnan den bo bisindario. Bo numbernan di awe 8, 20, 32 y 36.



Cancer

Un oportunidad di gana un poco di placa, por ta haciendo un poco di trabou extra na cas, por yega bo awe. Bo numbernan di awe 15, 17, 22 y 26.



Leo

Warda awe hopi estimulacion intelectual. Noticianan importante por yega bo via telefon y por existi pa bo haci algo pa logra un fin desea. Bo numbernan di awe 9, 21, 25 y 36.



Virgo

Bo talentonan creativo mester ta operando awe manera nunca. Ta posibel cu ta surgi e oportunidad di gana algo di placa. Bo numbernan di awe 3, 38, 43 y 51.



Libra

Sali y traha awe den grupo por muestra bo especialmente atractivo, particularmente cu gruponan relaciona cu deporte of otro actividad fisico. Bo numbernan di awe 16, 22, 31 y 39.



Scorpio

E energia celestial ta muestra un cambio agradabel pa bo. Emocionnan di mas cu a surgi den bo relacionnan finalmente lo bay. Bo numbernan di awe 5, 14, 29 y 26.



Sagitario

Esaki ta un bon dia pa dedica tempo y reflexion na e buskeda spiritual. Haci algo cu ta inspira un capacidad profundo den bo alma. Bo numbernan di awe 6, 25, 34 y 50.



Capricornio

Un fase nobo den bo bida ta cuminsando. E fase anterior por wordo interpreta manera loke a siña bo papia den serio y dedica na e responsabilidad profesional. Bo numbernan di awe 8, 28, 31 y 40.




Aquario

Un oportunidad di biaha cu un compañero of colega por yega, por ta relaciona cu negoshinan. Bo numbernan di awe 19, 22, 33 y 47.



Pisces

E noticia di un posibel aumento por yega bo awe, posiblemente via algun proyecto den cua ta trahando. Bo numbernan di awe 11, 24, 25 y 34.



FUNDACIONNAN

Cas Di Cultura

Vondellaan 2 Aruba
297-582-1010

FADA

Campanastraat 5 Aruba
297-583-2999
297-583-9610

FAVI

Primavera 233 Aruba
297-582-5051
297-582-5222

FEPO

Engelandstraat 15 Aruba
297-583-1016
297-583-6607

Fundacion Hende

Muhe den dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14 Aruba
297-588-3376

Famia Planea (SBVO)

Avenida Milio J Croes 17 B Aruba
297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

YMCA

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

A1 Taxi Services Aruba

Italiestraat 50 lokaal 7
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com



Dokter na warda

Dr. Adriaensses Tel. 586 3434
Dr. Vis Tel. 584 9700

Botica na warda

Oranjestad Del Pueblo Tel. 582 1253
San Nicolas San Lucas Tel. 584 5119

SERVICO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



Cruise Ships Schedule JUNE 2017

			ARR	DEPT	BERTH
THU	01				
FRI	02				
SAT	03				
SUN	04				
MON	05				
TUE	06	CARNIVAL MAGIC	13.00	22.00	C
WED	07	CARNIVAL VISTA ZENITH	13.30 07.30	22.30 16.30	C B
THU	08				
FRI	09				
SAT	10				
SUN	11				
MON	12				
TUE	13				
WED	14	ADVENTURE o/t SEAS CARNIVAL SPLENDOR ZENITH	07.15 14.00 06.45	23.00 23.30 16.30	B C H

EMERGENCIA

911

POLIS

Oranjestad 100
San Nicolas 104
Santa Cruz 105
Noord 107

Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

Setar 117
Web 525-4600
Elmar 523-7147

Aurora 588-6699
Ad Patres 584-2299
The Olives Tree 584-8888
Royal Funeral H. 586-4444

Centrale Bank van Aruba Daily Exchange Rates - 06/07/2017


CENTRALE BANK VAN ARUBA


Currency ¹	Buying from ² Public	Buying from Public	Selling to Public	Buying from Banks	Bank Middle Rate	Selling to Banks
ANG	98.00	100.00	100.20	100.0000	100.0000	100.0000
ANG ^{1 4}	-	-	100.00	-	-	-
USD	1.77	1.78	1.80	1.7895	1.7900	1.7905
CAD	1.30	1.32	1.34	1.3306	1.3310	1.3314
CHF	184.05	184.77	185.57	185.1224	185.1741	185.2259
GBP	2.23	2.28	2.34	2.3097	2.3103	2.3110
JPY	161.24	162.71	164.35	163.4861	163.5318	163.5775
EUR	197.97	199.78	201.79	200.7282	200.7843	200.8404
DKK	25.87	26.59	27.39	26.9843	26.9919	26.9994
NOK	20.01	20.73	21.53	21.1242	21.1301	21.1360
SEK	19.38	20.10	20.90	20.4923	20.4980	20.5038

For amounts up to Afl. 100,000

Construccion di verkeersplateau na altura di Commanchestraat, San Nicolas



Verkeersomlegging plan t.b.v. werkzaamheden plaatsen verkeersplateau in Commanchestraat




ORANJESTAD - Departamento di Obra Publico ta informa pueblo di Aruba en general y specialmente nos automobilistanan cu ta haci uzo di e caminda di Commanchestraat cu diahuebs dia 8 di juni y diabierna dia 9 di juni 2017 lo bay construi di 2 Verkeersplateau.

Lo indica e rutanan alternativo cu baricadanan y borchinan di aviso, y e trabounan lo cuminsa 6'or di atardi y ta programa pa caba 3'or di marduga tur dos anochi.

En conexcion cu e trabou menciona Departamento di Obra Publico ta pidi automobilistanan pa tene cuenta cu e inconveniencia cu lo por surgi pa cual nos ta pidi nos disculpa



Verkeersomlegging plan t.b.v. werkzaamheden plaatsen verkeersplateau in Commanchestraat



Invitacion Special Olympics

ORANJESTAD - Diabierna, dia 9 di juli 2017, pa 2.30pm, un team di Fundacion Special Olympics Aruba, lo sali pa Bogota, Colombia, pa competi den e wega nan Ibero Americano Special den e deporte di Bowling.

Di Aruba lo participa Sr. Mark Gonzales y Sr. Felipe Bustamante. Nan ta train semanalmente bou guia di nan coach Sr. Doy Bernabela. Como hefe di delegacion, lo bay Sr. Karel Wiliams, Director Nacional di Fundacion Special Olympics Aruba.

Pa 11or di mainta e team y e staf di Special Olympics Aruba lo ta na aeropuerto,.

Nos ta invita prensa, atletanan, boluntarionan, mayor nan y demas deportistanan, pa bin aeropuerto, desea nos atletanan exito y bisa nan ayo.

Tayer di pintura riba driftwood pa mucha na Cosecha



ORANJESTAD - Diasabra dia 17 di juni cuminsando di 11am pa 1or di merdia Cosecha San Nicolas conhuntamente cu e artesana Maja Lepsanovicta organisando un tayer creativo y dibertido den Cosecha su Creative Center. Durante e tayer aki, Maja lo guia e muchanan pa siña pinta un gekko cu verf riba driftwood. E wowonan ta bay traha cu klei.

E workshop aki ta costa 50,00 florin pa participante y e ta inclui material. Inscripcion ta tuma luga na Cosecha San Nicolas of na Cosecha Oranjestad. Pa mas informacion por tuma contact cu Cosecha San Nicolas na telefon 5878708 of Cosecha Oranjestad na telefon 5878709.

Tambe por bishita e Facebook page di Cosecha: www.facebook.com/Aruba-Cosecha of bishita un di e localidadnan. Cosecha su empleadonan ta cla pa yuda y conta bo un tiki mas di kico nos tin den nos tiendanan y tayernan cu Cosecha ta organisando.

Ganadonan di rifa "Father's Day at MoI"

ORANJESTAD - Diadomingo, 4 di juni 2017 a tuma luga Father's Day at Museum of Industry.

Den cuadro di Experience San Nicolas e biaha aki e museo a rifa diferente premionan na su bishitantenan.



Por medio di e articulo aki museo kier felicita tur ganado. Ganadonan di e grandioso RAFFLE di "Father's Day at MoI" a keda den man di e siguiente bishitantenan:

1. Stacy - Discover Scuba Diving at Jads Dive Center
2. Alisandra Bryson - Voucher Kamini's Kitchen
3. Alvin Peña - 2x Fresh Cutz Barbershop
4. Sujhon- Clinica Chiropractico Van Putten
5. Yadsy Tineo - Fresh Cuts Barbershop
6. Domingo Geerman- Fresh Cutz barbershop

Nos ta warda pueblo di Aruba pa pasa bishita nos. Museo ta habri di dialuna pa diabierna di 9:00 am-6:00pm y ariba diasabra di 10:00am-2:00 pm.

Pa cualkier pregunta por tuma contacto cu nos na 5847090 of infomuseumofindustry@gmail.com.

Corda cu Experience San Nicolas ta tuma luga tur prome diadomingo di luna y ariba e dia aki museo tambe lo ta habri. Sigui nos ariba Facebook y keda up to date cu tur actividad.

Aunke cu a reuni cu contratistanan pa adverti nan con pa coba canto di caminda

Contratista a bora un kabel di 60KV riba Green Corridor

ORANJESTAD – Diabierna durante oranan di mainta a surgi un fayó serio den e red di distribucion di coriente ora cu un contratista a bora un kabel importante di 60KV di coriente di NV Elmar, cu consecuencia cu coriente a bay den varios area. E situacion aki tabata imprevisto y nos compania nacional di distribucion di coriente

awor ta deliberando e daño causa na su kabel, pa por cobra e contratista bek!

Tabata den oranan di mainta, mas o menos 8:20am, cu un contratistanan trahando banda di caminda na altura di Mahuma, riba “Green Corridor”, cu a bay coba y den e proceso a haci daño na un kabel, conoci como un “feeder”.



MEGAPLEX 8
caribbeancinemas.com f Caribbean Cinemas Aruba

JUNE 8 - 14

MONDAYS AND WEDNESDAYS
FOR LIMITED TIME ONLY 2D MOVIE TICKET AFL 5,00

NEW THIS WEEK!

MUMMY
TOM CRUISE | SOFIA BOUTELLA
PG-13

CXC
PREMIUM LARGE FORMAT AUDITORIUM
MON-THURS 4:40 | 7:05 | 9:30
FRI 4:40 | 7:05 | 9:30 | 11:55
SAT 2:15 | 4:40 | 7:05 | 9:30 | 11:55
SUN & HOL 2:15 | 4:40 | 7:05 | 9:30

MON-THURS 5:25 | 7:50
FRI 5:25 | 7:50 | 10:15
SAT 3:00 | 5:25 | 7:50 | 10:15
SUN & HOL 3:00 | 5:25 | 7:50

SNATCHED
AMY SCHUMER | GOLDIE HAWN
R

MON-THURS 3:50 | 5:25 | 7:30 | 9:35
FRI 3:50 | 5:25 | 7:30 | 9:35 | 11:40
SAT 3:20 | 5:25 | 7:30 | 9:35 | 11:40
SUN & HOL 3:20 | 5:25 | 7:30 | 9:35

WONDER WOMAN
GAL GADOT | CHRIS PINE
WITH SPANISH SUBTITLES
PG-13

MON-SUN & HOL 3:40 | 6:25 | 9:15

MON-THURS 5:05 | 8:00
FRI 5:05 | 8:00 | 10:55
SAT 2:10 | 5:05 | 8:00 | 10:55
SUN & HOL 2:10 | 5:05 | 8:00

Pirates of the Caribbean: Dead Men Tell No Tales
JOHNNY DEPP | GEOFFREY RUSH
WITH SPANISH SUBTITLES
PG-13

MON • SUN & HOL 3:50 | 6:30 | 9:10

EVERYTHING
AMANDA STENBERG | NICK ROBINSON
WITH SPANISH SUBTITLES
PG-13

MON-SUN & HOL 4:45

BAYWATCH
DWAYNE JOHNSON | ZAC EFFRON
R

MON-SUN & HOL 6:55 | 9:25

DIARY OF A Wimpy Kid: LONG HAUL
JASON DRUCKER | CHARLIE WRIGHT
WITH SPANISH SUBTITLES
PG

SAT-SUN & HOL 2:35

STARTING JUNE 15 | CARS 3 • ROUGH NIGHT • ALL EYEZ ON ME

Palm Beach Plaza
Aruba | 586-0074

THE MAGIC OF THE MOVIES
ON YOUR MOBILE DEVICE

Available on the App Store

ANDROID APP ON Google play

Ta bon pa subraya e hecho cu no mas di un siman prome, NV Elmar a reuni cu e contratistanan pa adverti nan pa tene masha cuidou cu e kabelnan aki, nan ta kabelnan grandi cu ta transporta coriente for di e planta di WEB pa e diferente substationnan di NV Elmar den tur districto rond di nos isla. A conseha nan pa realiza un prueba prome manual y ora ta sigur cu no tin kabel, pa e ora uza mashin pisa pa coba.

E kabel afecta ta e asina yama “Elmar 5”, cu ta wordo suministra cu coriente di WEB pa e substation di Tanki Leendert, pero tambe e ta manda coriente pa e substation situa na Pos Abou. Ora a bora e kabel, e sistema di proteccion ta mira cu tin un corto circuito y ta habri e breakernan y ta resulta cu areanan ta perde coriente. Den e caso aki tabata diferente area den Oranjestad.

Asina cu haci daño un “feeder” importante asina,

ta stroba henter e operacion y distribucion di coriente. E kabel ta keda cu daño riba dje te ora drech’e. Loke a haci e ora ta balansa e red door di tira e ‘load’ cu a perde coriente riba otro substationnan cu si tin coriente. E proceso a tarda comokiera cu NV Elmar tabata haciendo otro trabounan di mantencion y cu e substation na Palm Beach tabata for di servicio.

N.V. Elmar mester a haci un esfuerso hopi mas grandi pa balansa e servicio y mester a tira e carga aki riba diferente kabel mas chikito. Esey a tarda un tiki mas di loke mester. Lamentablemente dor di e fayó aki den distribucion, a destabilisa WEB un poco, cu consecuencia cu N.V. Elmar mester a warda te ora cu WEB a duna luz berde pa sigui reconecta coriente.

Atardi ora cu a reanuda suministro tabatin algun efecto den barionan ainda cu a perde coriente algun minuut y despues a haya bek. Esey tin di haber cu e carga di

coriente cu a bay pa e areanan afecta.

Clientenan por ta sigur cu e tipo di fayonan asina, cu ta for di alcance di NV Elmar no ta pasa sin mas y sin consecuencia. Algun aña pasa un compania di construccion a kap un kabel pisa di NV Elmar na altura di Camacuri, hincando e compania di coriente den un problema serio di distribucion y cu ekiponan valioso cu a dañá. Mester a busca techniconan te for di Hulanda e tempo ey pa asisti den e trabounan. E cobranza na e compania a yega casi 1 miyon florin.

Den e caso specifico di siman pasa, nos tabatin un experto di kabel di coriente na Aruba haciendo un otro trabou planea pa NV Elmar. El a traha mesora riba e kabel te cu diamars merdia 12:00pm a e pone e kabel bek den uzo.

NV Elmar ta pidi disculpa pa e inconveniencia aki, cu tabata completamente for di nan mannan.

LIKE US ON

facebook

Facebook.com/bondianoticia

Otorga pa Caribbean Hotel & Tourism Association (CHTA)

Aruba Tourism Authority a gana premio maximo den mercadeo y benta

ORANJESTAD – Pa e di tres aña consecutivo, e conocido CHIEF Awards (Caribbean Hospitality Industry Exchange Forum) a tuma luga na Miami – Merca, na unda a otorga premionan di excelencia relata cu e industria di turismo. E premio ta wordo otorga door di Caribbean Hotel & Tourism Association (CHTA).

CHIEF awards a consisti di 4 categoria, cual ta Business Operations, Mercadeo y Benta, Responsabilidad Social y Sostenibilidad Ambiental.

Aruba Tourism Authority un biaha mas a destaca y a gana e premio maximo pa 'Excelencia den Mercadeo y Benta', esaki pa e campaña yama 'Local Shortcut Series' como tambe pa e 'Insta Adventures' na unda e bishitante ta wordo invita pa cera conoci cu nos destinacion na un manera interactivo, esaki prome cu nan pone pia riba nos isla. Esaki ta un otro manera pa crea interes pa scoge nos isla como nan destinacion preferi pa pasa nan vacacion. Esaki ta e di dos aña cu A.T.A. ta ricibi reconocimiento pa su trabaonan excelente como destinacion den Caribe for di e asociacion aki, na cual hotelnan entre otro esnan di Aruba ta afilia.

Riba e potret por mira Sr. Ed Malone, director di A.T.A. Norte America, kende a ricibi e premio for di e asociacion.



PA AMPLIA NOS TEAM DI TIENDA, NOS TA BUSCANDO ALGUN

CAHERA(O)

SIMPATICO, ENERGETICO Y CU KIER FORMA PARTI DI NOS TEAM DINAMICO DI UNICON

E CANDIDATO IDEAL POR COMUNICA BON NA PAPIAMENTO, ESPAÑO, INGLES Y HULANDES Y TA ENTRE 25 CU 40 AÑA. E TA UN PERSONA CU TIN UN NIVEL DI EDUCACION MINIMAL COMPARABEL CU MAVO Y TA TRAHA DEN UN FORMA RESPONSABEL, EXACTO Y TA GUSTA TRAHA CU CLIENTE. TAMBE DI CONDUCTA INTACHABEL.

NOS TA OFRESE UN PAKETE EXCELENTE DI BENEFICIONAN PRIMARIO Y SEGUNDARIO. SI ABO TA CONSIDERA BO MES E CANDIDATO IDEAL Y BO TIN GANA DI BIN TRAHA CU NOS, ENTREGA BO CV CU PASFOTO MAS LIHE POSIBEL NA AMC UNICON, CAYA PAPA JUAN PABLO II #121, - ORANJESTAD, NA ATENCION DI ELLEN LEO (PZ) - HR@UNICON.AW .

HOME&NATURE

INSPIRED ISLAND LIVING

NEW CONTAINER ARRIVED



Come and visit us from Monday through Saturday from 10AM-6PM.

Avenida Milio J. Croes 70 - Dakota

Tel: 521 1188



HOMENATURE